

NHLUTO WA WANUNA

LOYI A EHLEKETAKU

 Ndza khensa, Makwerhu Mann. Ndza swi vona leswaku u tile ni makwenu. Hosi a yi ku katekisi. "Swilo hinkwaswo swa koteka, pfumela ntsena." A hi khongeleni.

O Xikwembu, i ntiyiso sweswo hi leswi timbilu ta hina ti swi navelaka vusiku lebyi, ntsena ku va hi pfumela. Tani hilaha hi hlanganeke lahawani vusiku lebyi etabernakeleni, dyambu ri ri karhi ri pela evupela-dyambu, ha khongela, Xikwembu lexi xi rhandzekaka, leswaku U ta hi pfumelela hi lemuka hilaha swi nga ekusuhwani ha kona ku va dyambu ri pela ehenhla ka nkarhi; ri le ku hundzeriweni. Siku i khale ri herile. Nakona hi tsundzuka nkarhi wun'wana loko siku ri herile, vafambi vambirhi va Ku komberile kuva u ta ni ku ya tshama na vona. Kutani U Ti tivisile eka vona hi ku hlamusela Rito ra Wena ni ku va pfumelela ku vona leswaku Kreste u fanele ku twisiwa ku vaviseka, hi swilo leswi hinkwaswo ku sungula.

² Swingaleswi ha khongela, Xikwembu, tani hi loko siku ri herile, leswaku U ta ta etindlwini ta hina ni ku hanya na hina, ni ku hi hlamusela Rito, Hosi, leri hi ri khomaka hi vunene tani hi rifuwo ku suka eka Wena, tani hi nyiko etimbilwini ta hina. Leswaku hi nga Ri tluli; leswaku hi nga Ri xixima hi minkarhi hinkwayo hi timbilu ta hina hinkwato.

³ Ha Ku khensa eka leswi U swi endleleke lava va nga exibedlhele emixweni lowu, ni leswi U swi endleleke xijahetani xa Makwerhu Capps lexi a xi pavalarile, xi ri ekufeni, kutani hi lexi sweswi eka vayingiseri vusiku lebyi. Hilaha hi Ku khensaka ha kona, Tatana, eka swilo leswi hinkwaswo!

⁴ Hi nyike swona, Hosi, leswaku hi ta tiva hilaha hi faneleke ku Ku dzunisa. Ntsena hi... Swi le kule ni matwisiselo ya hina ku tiva hilaha hi nga Ku dzunisaka ha kona. Kambe, Hosi, amukela timbilu ta hina tani hi mimfungho ya ku khensa, leswaku ha Ku rhandza. Kutani loko hi—hi lava ku endla leswi swi lulameke, hi kombeti leswi hi faneleke ku swi endla. Hi swi kombela hi Vito ra Yesu. Amen.

Mi nga tshama ehansi.

⁵ I madyambu lamanene eka kereke leyi yi pakaneke vusiku lebyi nale handle ku tsemakanya hi misava eka tiqingho. Va vula leswaku va khweketiwile nakambe vusiku lebyi.

Ndzi tshembha leswaku nsati wa mina u le ku yingiseleni. A ndzi kotanga ku n'wi bela riqingho, swingaleswi ndzi ta n'wi bela riqingho endzhaku ka xikhongelo lexi.

⁶ Kutani hi na xitiviso lahawani leswaku emixweni lowu Makwerhu Jackson bot- . . . kumbe tatana u le ka xiyimo xo tano, lero ku antswa ko tano ku humelerile, a nga kota ku vuya ekaya mundzuku.

⁷ Xijahetani xa Makwerhu Capps, lexi a ndzi foyineleke hikwalaho ka xona vusiku byin'wana, a ndzi switivi loko Makwerhu Capps a ri kona eka vayingiseri kumbe a nga ri kona, kambe, nakona xijahetana xa yena a xi vabya swinene.

Kutani swi kumekile leswaku Joseph na mina a hi ri ehansi eka—eka mpfhuka wo balesela, hi ri karhi hi lulamisela xibalesa xa mina xa makume mbirhi—mbirhi. Ndzi mi byerile hinkwaswo mayelana na xona vhiki leri nga hundza. Nakona kunene u tava xibaleseri xa xiviri. Swingaleswi a lava kuva na ku tiyisisa ni ku byela Garry na Larry leswi a swi endleke. Kutani u ndzi byerile, loko hi vuya . . . Ndzi teri, "U fanele ku yima u nghena ni—ni ku byela Makwerhu Gene Norman mayelana na swona."

U teri, "Yima hi byela Billy ku sungula," boti wa yena.

Endzhaku ka loko a n'wi kombile ku balasela lokunene a ku endleke, u teri, "Sweswi suka eminkondzweni ya mina." Wa vona?

⁸ Nakona ntsena loko hi fika kwalahaya, hikokwalaho ka yini, riqingho ri ririle, kutani Billy a ri tsutsumela ni ku vutisa . . . ndzi teri, "Ri nga va riqingho ra vuvabyi sweswi." Nakona ntsena a ha ha ku nghena, kutani a kuri Makwerhu Capps. Kutani xijahetani a xi ri na pherithonayithisi, na ndzhuti wuntsongo wa nkateko wa ku hanya. Swingaleswi Hosi yi xi hanyisile. Nakona vusiku byin'wana va teri a xi xaniseka hi muxaka wo karhi wa switlhavi, a ndzi byela hi Manana Wood. Kutani a hi ri eku sukeni hi xihatla, nakona ntsena ndzi . . . ndzi teri, "Manana Wood, i vusiku swinene sweswi, awara ya khume, ndza kanakana leswaku va nga ndzi pfumelela ku nghena exibedlhele." Ndzi ku, "Ndzi ya ekaya ntsena ni ku pfala rivanti." Nakona ndzi yile ni ya khongela. Kutani va ri xijahetani xi kona eka vayingiseri vusiku lebyi. Swingaleswi hi tsakile swinene hikwalaho ka sweswo. Nakona ha khensa swinene.

⁹ Sweswi hi khomelerile; a hi se twa nchumu. Loko Makwerhu Leo Mercier na Sesi Mercier va yingiserile, a hi se twa nchumu ku suka eka tatana wa n'wina. Hi tshembha leswaku hi ta twa ku ngari khale, hilaha a nga xiswona. Kambe ndzi ni ntiyiso leswaku u tava kahle, swingaleswi hi tshembhele eka Xikwembu xa Matimba hinkwawo, leswaku Xikwembu xexo xi ta hlayisa murhandziwa yaloye, wanuna wa khale loyi a kwetsimisiweke, ministara wa ntokoto wa khale wa Evhangeli.

¹⁰ Sweswi, oho, ku na swilo swotala ngopfu leswi swi faneleke ku endliwa, ni nkarhi wo koma swinene wo swi endla, swingaleswi a hi vekeni matimba ya hina hinkwawo sweswi eka leswi hi nga swi endlelaka Hosi ya hina.

¹¹ Ndzi hatlisile nyana ndzi fika. Nakona a ndzi—a ndzi si tshama ndzi titwa kahle ku tlurisa. Ndzi teriwile hi ku karhala, ku karhala ntsena, kutani ndzi pavalarile ehansi eka ndzhengha lowu. Na kan'we...a ndzi nga se dya na swakudya swa ni nhlekanhi. Swingaleswi ndzi—ndzi nghenile endzeni, ndzi ti pavalaleta ndzhengha hinkwawo. Ndzi titwile ndzi nga tsakangi, swingaleswi ndzi pavalarile kwalahaya. Kutani ndzi sungula ku khongela, nakona ndzi titwile ndzi antswa. Kutani ndzi pfukile, ndzi ambala swiambalo swa mina, ni ku ta ekerekeni.

¹² Swingaleswi hi—hi tshembhele eka Hosi Yesu sweswi leswaku U ta katekisa matshalatshala ya hina kun'we vusiku lebyi, tani hi leswi ku tsemakanya hi rixaka hi ringetaku ku hlanganisa xiphemu lexi xa Miri wa Kreste, lexi ndzi nyikiweke mfanelo yo byisela tinyimpfu ta Yena. Nakona ndzi ta endla ntsena leswinene hi kuya hi vutivi bya mina, eku humesenka Swakudya leswi ndzi tivaka swi lulamele tinyimpfu.

Swingaleswi ndzi languterile hi ku hiseka eka awara leyi hinkwerhu hi nga ta hlangana endzhawini yin'we ni ku chumayela hi Makhombo ya Nkombo, na Swimitana swa Nkombo, na Tinanga, na swin'wana. Hinkwaswo swi humelela hi ntlawa. Xexo hi xona xivangelo xo va swi ta hi tekela vhiki, khume ra masiku kumbe ku tlula, ku hundza eka swona eka nhlengeletano yin'we, loko hi nga swikota. Ndzi ehleketa leswaku swi ringanerile.

¹³ Sweswi, votala va n'wina mi ya ekule. Ndzi langutile lahawani, kutani ndzi lemukile, xinkadyana nyana lexi xi hundzeke, vanakulorhi va le Tucson. Manana Sothmann, ndzi vona Makwerhu Fred u fikile kahle. Ndzi n'wi vonile eka vayingiseri mixo lowu. Nakona lahaya ndzi ehleketa leswaku i Makwerhu Don Ruddell loyi a tshameke na yena endzhaku lahaya, vusiku lebyi. Ndzi tsakile ku vona Makwerhu Don a ri kona. Na Junior, xana Junior u kona lahawani, kumbe u le kerekene ya yena? Ndzi bvumbha leswaku va kona eka tiqingho ekerekene vusiku lebyi.

Swingaleswi, n'wina vamakwerhu hinkwenu, hi tsakile swinene kuva mi ri lahawani na hina vusiku lebyi, ni ku tshembhela eka Hosi leswaku siku rin'wana hi, loko siku ra vutomi ri herile nakona rivoningo lerintsongo ra vutomi lebyi byi helaka ri sungula ku zwihala ni ku timeka, a hi nge chavi ku biha ni kun'we, hikuva ehansi ku hundza hi—hi...

¹⁴ Ndza ha ku kuma xiviko lexi xi tak a eka n'wina, lexi humaka—lexi humaka...eArizona, ehenhla ePrescott. Makwerhu Coggins u ntshuxiwile exibedlhele. Swingaleswi hi

khensa swinene eka sweswo. Swi lulamile. Sweswo swi kahle. Swingaleswi hi khensa swinene eka sweswo. Sesi Mercier, papa wa wena u le ku holeni sweswi. Ndzi lo swi twa, endzhaku ka loko hi tava hi khongerile, leswaku u tava kahle. Swingaleswi va ngava va pfulerile; ndzi tshembha tano; nakona ndzi ehleketa leswaku va pfulerile. Kutani hi khensa swinene hikwalaho ka sweswo, leswaku boti wa hina u—u kahle sweswi, nakona u tava kahle. Swingaleswi hi khensa Hosi eka swilo leswi hinkwaswo.

¹⁵ Ku vile na xikombelo vusiku bya tolo; boti loyi a rhandzekaka lahawani, ndzi bvumbha leswaku a ngava a nga ri na hina namuntla. Boti loyi a humaka le hansi eKentucky, u ndzi bele riqingho mayelana na n'wana wa yena wa xisati. Ndyangu lowu wu rhandzekaka, nakona e—e nhwenyani u ya eka vuhandzuri, nhwana na mfukuzani enhlaneni. Swingaleswi ha—ha khongela leswaku Xikwembu xi ta ponisa wa nhwana loyi. Ndzi pfumela leswaku Xi ta swi endla, loko ntsena hi nga . . .

Nhlengeletano, hinkwerhu ka hina kun'we, a hi hlanganeni ni ku khongeleta vanhu lava, hinkwavo kun'we. Sweswo hi leswi hi faneleke ku swi endla, tani hi xilo xin'we. Tani hi . . .

¹⁶ Kutani tani hi loko masiku ya va ekusuhi na le kusuhi, na ku khuma ka ndlela, hi—hi lava ku famba ekusuhwani kun'we. Mina, hi fanele kuva un'we, miri wun'we. Hi fanele ku famba swin'we, hi rivala swidyoho swa un'wana eka un'wana na ku hambana ka hina, ni ku khomana hi va ekusuhi na le kusuhi na le kusuhi, tani hilaha hi vonaka Siku rero ri ri eku teni. Ku tihlengeleta kun'we, hinkwerhu hi moyo wun'we na mbilu yin'we. Kutani loko boti, sesi a hambuka endleleni, hi ndlela yin'wana na yin'wana, mi nga endli nchumu kambe khongeletani munhu yaloye, nakona hi rirhandzu, mi tekelana enhlokweni hi minkarhi hinkwayo. Mi nga—mi nga tshuki mi pfumelela un'we wa n'wina a ya ekule. Tshamani swin'we. Nakona, loko mi nga swikota, engetelani eka swona, ku yisa emahlweni, nkarhi hinkwawo.

¹⁷ Makwerhu Neville, ndzi na xikombelo xa wena lahawani mayelana na Makwerhu Wright, Makwerhu George Wright loyi a tshameke lahawani. Hi tsakile Makwerhu Wright na Sesi Wright, lahawani . . . Edith lontsongo, ndzi . . . Siku rin'wana loko hi ta, hi lava kuva na xintirhwana xa xitsundzuxo lahawani.

A ndzi tlhelelanga eka Edith ni loko a fambile. Kambe, Sesi Wright, wa wu tsundzuka norho lowu a veke na wona malembe yantsongo lawa ya hundzeke. Nakona ndzi ku byerile nkarhi wa kona, ndzi ku, "I, Edith lontsongo a nge tshami na hina nkarhi wo leha sweswi," hikuva Hosi a ku ri khale yi ndzi byerile leswaku a ri eku fambeni, kuya hi norho lowu a veke na wona. Kutani ndzi kumile nhlamuselo ya wona, a kuri, leswaku a ya eku hlanganeni na Xikwembu. Kwalomu kale ndzhaku ka malembe ma mbirhi, u yile ku ya hlangana na Xikwembu. Sweswi u

yimerile papa wa yena na manana ku tsemakanya ndzelekano, exikarhi ka leswi swi faku ni leswi swi nga feki.

¹⁸ Xikwembu a xi ku katekisi. Ndzi lava ku ringeta ku ku vona xikan'we, loko ndzi nga swikota. Swingaleswi Xikwembu a xi ve na wena na Shelby, na un'wana na un'wana. A ndzi ehleketa leswaku ndzi vonile Shelby mixo lowu; a ndzi nga ri na ntiyiso wa swona.

U ngaka u nga voni kahle ngopfu ehenhla lahwani; selingi yi le hansi kukotisa leyi, kutani yi vonakarisa e—e ku vonakala kukotisa sweswo. U nga ha vona mavala, kambe vanhu a wu nge va voni kahle ngopfu.

¹⁹ Sweswi hi ku kongoma eHungwini. Leri i Hungu leri ndzi lavaka kuri hlaya kusuka eka Tinhlayo 19:9 na Vaejesa 5:26. Kutani loko n'wina vanhu lava va hlayisaka tirhikhodo ta tsalwa, na swin'wana, hikokwalaho ka yini, mi nga swi mpfapfarhutela ehansi.

²⁰ Nakona tsundzukani sweswi, loko leswi swi ri eku thepiweni...a ndzi switivi. A ndzi voni munhu. Ina, ndza n'wi vona, ndza n'wi vona Makwerhu Terry u kona endzeni—endzeni ka kamara yo rhikhodela. Nakona loko leswi swi ri eku thepiweni; eka tiministara tin'wana na tin'wana endzhawini yin'wana na yin'wana, nkarhi wun'wana na wun'wana, leswi a swi kongomisiwanga hi ku honisa eka ku dyondzisa ka n'wina, leswi a swi kongomisiwanga eka tinyimpfu ta n'wina. Hungu leri, na yan'wana hinkwawo ya Mahungu lawa ndzi vulavulaka hi wona, ma kongomisiwile eka nhlengeletano ya mina. A hi ra tinhlenegetano ta n'wina ehandle ka loko va lava ku Ri amukela. Kambe Ri kongomisiwile eka vanhu lava lahwani.

²¹ Vanhu va xava tithepi leti. Vanhu ku tsemakanya hi misava va ti xava ni ku ti tlanga. Minkarhi yo tala va tsalela. Kutani ndzi tshamela ro va kongomisa, loko va ri xirho xa kereke yo karhi leswaku, "Vonani mufundhisi wa n'wina."

²² Sweswi, mufundhisi, ndzi lava leswaku u switiva leswaku, leswaku, swilo leswi ndzi swi vulavula ntsena eka nhlengeletano ya mina. Nakona ndzi na mfanelo ya ku endla sweswo, hikuva ndzi vekiwile hi Moya lowo Kwetsima kuva mulanguteri ehenhla ka tinyimpfu leti. Kutani khombo eka mina loko ndzi nga va byeli leswi ndzi ehleketa leswaku i Ntiyiso, ni hi ndlela leyi ndzi Ri vonaka ri ta ha kona. Kambe a hi Ra misava kumbe tikereke hinkwato. Endlani swin'wana na swin'wana leswi Xikwembu xi mi byelaka ku swi endla. Ndzi ngaka ndzi nga mi hlamuleli, na swona mi ngaka mi nga ndzi hlamuleli. Kambe un'wana ni un'wana wa hina u fanele ku hlamula emahlweni ka Xikwembu, hikwalaho ka tiministri ta hina. Hikwalaho, loko ndzi fanele ku hlamulela ministri wa mina, ndzi fanele ku Ri chumayela hi ndlela leyi ndzi Ri vonisaka xiswona, hi ndlela leyi

Ri paluxisiweke xiswona eka mina. Kutani sweswo swi fanele ku tiveka sweswi.

²³ Sweswi eka Tinhlayo 19:9, hi lava ku hlaya tsalwa leri, kumbe Matsalwa lawa, kumbexani.

Kutani wanuna loyi a tengeke u ta olela nkuma wa thokazi, u ta wu veka endhawini leyi yi tengeke ehandle ka mixaxa, kutani wu ta hlayiseriwa nhlengeletano... (vonani sweswi) nhlengeletano ya vana va Israel kukotisa mati ya ku basisa: i gandzelo ra vudyoho.

²⁴ Xiyisisani, ku nga ri eka un'wana ni un'wana, “eka nhlengeletano ya vana va Israel; mamati ya ku basisa.”

Sweswi eka Vaefesa, ku avanyisa ka vu5, ku sungula hi ndzimana ya vu22.

Nwina vavasati, yingisani vavanuna va n'wina, kukotisa loko mi yingisa Hosi.

Hikuva nuna i nhloko ya wansati, kukotisa leswi Kreste na yena a nga nhloko ya kereke: kutani hi yena mukutsuri wa miri.

Kutani kukotisa leswi kereke yi yingisaka Kreste, vavasati na vona a va yingisi vavanuna va vona etimhakeni hinkwato.

Nwina vavanuna, rhandzani vavasati va n'wina, kukotisa leswi Kreste na yena a rhandzeke kereke, kutani a tinyiketa eka rifu hikwalaho ka yona;

Hi leswi lahwani leswi ndzi lavaka ku swi vula sweswi.

Lewaku a yi kwetsimisa ni ku yi basisa hi ku hlantswa ka mati hi rito,

²⁵ Sweswi, tsalwa nyana leri vusiku lebyi, loko ndzi fanele kuri vula tsalwa. Nakona ndzi tshembha leswaku vanhu lahwani, ni lava va nga ehandle eka vuhaniganisi bya riqingho, a va nge swi honisi leswi ni ku ehleketa leswaku swi vuriwa hi ndlela ya ku sandza. Hambi leswi, ku teka tsalwa ro tani hi leri, swi nga ta twakala tani hi ku sandza. Dyondzo leyi ndzi lavaka ku yi tirhisa eka vusiku lebyi i: *Nhluto Wa Wanuna Loyi A Ehleketa*. Sweswo swi twakala swi nga tololekanga eka dyondzo, ku va ministara loyi a lwisanaka swinene na ku dzaha, a nga tekaka tsalwa ro kotisa sweswo, *Nhluto Wa Wanuna Loyi A Ehleketa*. Swi humelerile, sweswo, mixo wun'wana loko ndzi yile eku hloteni ka vamaxinjani.

²⁶ Loko n'wina vanhu ehandle eka—ehandle eka xiya-ni-moya, emoyeni, kumbe egandlatini ra riqingho, loko a mi vonile swikandza swa nhlengeletano leyi loko ndzi tivisile tsalwa ra mina, a mi tava mi hlekile hikwalaho ka swona. *Nhluto Wa Wanuna Loyi A Ehleketa*.

²⁷ Hi swona, hinkwaswo swi humelerile laha Tintsumi ta Hosi ti tivonakariseke eka mina mixo wun'wana, nakona vamaxinjani swi vitaniwile kuva kona. Hinkwenu ma tsundzuka loko swi tava swi humelerile. Kutani, nakambe, ehenhla exigangeni laha a ndzi yimile kona, a kuri laha...ntsena loko ndzi nga se chumayela hi Tinguva ta Nkombo ta Kereke, ndzi yeke eku hloteni mixo wun'wana loko ri nga se xa. Hi lahaya a ku yimile...a ndzi ehleketa leswaku dyambu a ri ri eku humeni, kwalomu ka awara ya mune na mixo. A swi tollovelekangi; ndzi vona Layiti leyo, kutani ndzi hundzuluka, nakona hi lahaya a ku yimile Swikhoma makhandlhele swa Nkombo swa Nsuku swi yimile ehenhla ka nhlohlorhi, na lexi xi fanaka na nkwangulatilo xi ri karhi xi humelela hi tiphayiphi na ku hangalakela ehandle.

²⁸ Xikan'we-kan'we endzhaku ka sweswo, Hosi Yesu u tivonakarisile eka hina. Kutani hi nkarhi wolowo ndzi twile Rito leri nge teri, "Yehovha wa Testamente ya Khale i Yesu wa Leyintshwa." Nakona A ri hi lahaya, endzhaku ka nkarhi, a paluxekile endzhaku ka Swikhoma makhandlhele swa Nkombo swa Nsuku leswiyani. Kutani xiyisisani sweswo. I vangani va tsundzukaka tsalwu rero? Ndzi ri tsarile endzhaku ka—ka bokisi ra—ra tikhatiireji leti a ndzi ri na tona exikhwameni xa mina. "Yehovha wa Testamente ya Khale i Yesu wa Leyintshwa." Xikwembu eMatilweni xa switiva leswaku sweswo i ntiyiso.

²⁹ Loko ndzi tsemakanya ndhawu yaleyo laha A tivonakariseke eka mina endzhaku nyana ka swona, mayelana na vamaxinjani.

³⁰ Kute loko ndzi vitanile munghana wa mina wa kahle, Jack Moore, tin'hweti nyana endzhaku ka swona, ku vutisa; loko ndzi sungula ku chumayela hi Tinguva ta Nkombo ta Kereke, Nhlavutelo 1. Kutani A yimile, a ri wo basa hinkwako; misisi ya Yena a yi kotisa wulu. Xana A ta swi kotisa ku yini, kuva ni makume nharhu-nharhu wa malembe hi vukhale, ni kuva loyi a ri wo basa hinkwako? Nakona Makwerhu Moore, wa kahle swinene, ni mahanyelo, wanuna wo olova wa Mukreste, ni xidyondzeki, un'we wa lavo antswa ndzi va tivaka; kutani u teri, "Makwerhu Branham, yaloye a ri Yesu endzhaku ka xiyimo xa ku kwetsimisiwa ka Yena. Hi yona ndlela leyi A langutekisaka xiswona sweswi." Kambe sweswo a swi banga nsimbhi eka mina. Kutani ndzi yile emahlweni ndzi khongela ku kondza siku rin'wana...

³¹ Loko ndzi nga se sungula Tinguva ta Nkombo ta Kereke, a ndzi nga swikoti ku kuma ku avanyisa ko sungula kuva loku ololokekeke kahle. Xana swi nga endlekisa ku yini kuva Wanuna, wa makume nharhu-nharhu wa malembe hi vukhale, loyi a pfuxiweke emirini lowu fanaka lowu vaapostola va N'wi lemukeke eka wona, va N'wi tiva kuva a ri tano; kutani xana swi nga endlekisa ku yini leswaku A va ehenhla, kumbexani makume nhungu kumbe makume nkaye wa malembe hi vukhale, na wulu

leyikulu yo basa ehenhla ka xikandza xa Yena, na malebvu ya Yena ya basile kukotisa gamboko?

³² Ndzi hlayile eBukwini ya...ya Daniel, laha a fikeke eka “Nkulukumba wa Masiku, Loyi misisi ya yena a yi basile kukotisa wulu.” Kutani ndzi n’wi vonile Nkulukumba loyi wa Masiku. A ri Yena Nkulukumba wa Masiku, loyi a fanaka ni tolo, namunthla, ni hilaha ku nga heriki. Wa vona, a kuri xikombiso, nkarhi luwa.

Hikokwalaho ka yini kuri wulu yo basa? Kutani ndzi... Moya lowo Kwetsima a wu tikomba wu vulavula na mina mayelana na xifaniso lexi ndzi xi voneke nkarhi wun’wana, xa muavanyisi wa khale. Kutani ndzi yile eka matimu; ndzi tlhelela endzhaku eka matimu ya Bibebe ni hinkwaswo, ku swi kumisissa. Nakona vaavanyisi va khale, tani hi muprista lonkulu eIsrael, a fanele kuva yena loyi a vaka na yo basa, misisi yo kotisa wulu ya mpun’wa na malebvu, hikuva ku basa ehenhla ka yena a ku kombisa leswaku u na matimba lamakulu ya vaavanyisi eIsrael.

Nakona hambi ku ri namunthla, ni ku ya ehansi eka madzana ya ntsongo ya malembe lawa ya hundzeke, kumbexani madzana ma nga ri mangani ya malembe lawa ya nga hundza, kumbexani ya nga ri yo kotisa ya lawa, eku sunguleni ku tlula sweswo. Vaavanyisi hinkwavo va Manghezi, swi nga ri na mhaka leswaku a va ri vantsongo ku fika kwihi kumbe a va ri va khale ku fika kwihi, loko va yile eku avanyiseni, a va ambala wiki yo basa; ni ku kombisa leswaku a ku ri hava ku fuma kun’wana, eka mfumo wolowo, ehenhla ka rito ra vona. Rito ra vona i ku hetiseka ka mfumo. Leswi va swi vulaka, swi helerile eka hinkwaswo.

³³ Kutani sweswi, manuku, sweswo ndzi swi vonile. A ri Loyi a yimeke hi lahaya, hambi leswi a ha ri Wanuna lontsongo, kambe a ri ni wiki yo basa. A ri loku ku heleleke, ku Fuma ka le henhla. A ri Rito. Nakona U na, u ambarile wiki yo basa.

³⁴ Kutani, eku sunguleni loko hi nghenile, nakona e-e nchumayelo, nakona hi yile evupela-dyambu, kutani loko Tintsumi ta Hosi ti vonakarile ehandle hikwalaho ka Swilemo swa Nkombo, nakona yi yile ehenhla empfhukeni (leyi hi nga na xifaniso xa yona lahwani, na ku rhendzeleka hi tiko), A yimile hi lahaya, a ha ri na wiki ya ku fuma ka le henhla. Hi Yena Nhloko ya Kereke. Hi Yena Nhloko ya Miri. Ku hava nchumu lowu wu fanaka na Yena, kun’wana na kun’wana. “U endlile swilo hinkwaswo hi Yexe. U endlile swilo hinkwaswo ku va swa Yena, kutani ehandle ka Yena ku hava nchumu lowu wu endliweke.” “U ni ku fuma hinkwako eMatilweni ni le misaveni,” nakona swilo hinkwaswo i swa Yena. “Hikuva ku hetiseka ka Vukwembu hinkwabyo ku akile eka Yena hi miri.” “Kutani Rito a xi ri Xikwembu, nakona ri endliwile nyama exikarhi ka hina.” Nakona hi Yena Loyi A paluxeke xihundla hinkwaxo xa makungu hinkwavo ya ku ponisiwa, lexi hinkwavo vaprofeta na

vavanuna va vutlharhi va vulavuleke hi xona. Yena a ri yexe a ri Loyi a nga na wiki ni ku Fuma ka le henhla.

³⁵ Sweswi, ndzi yimile, ehenhla ka nhlohlorhi mixo wun'wana, swi tikombe ingaku kuvile na vamaxinjani swin'wana leswi a swi ri eku handzeni kwale henhla. Kutani ndzi sungurile ku tshama ehansi. Nakona ndzi vile kwalahaya xinkadyana, loko, swihlahla leswi phendliweke hi mina, kutani nakulorhi un'wana lonkulu ni xibalesa xa milomo yi mbirhi leyo leha a ta a huma eswihlahleni lahaya, nakona u lavile ku chavisa ku vonakala ka siku ku suka eka mina. Ndzi yile kona, ndzi nyiza hi xihatla; a ndzi chava ku suka, ndzi chava leswaku a nga ndzi balesela. Nakona swihlahla a swi ri eku ninginikeni, kutani ndzi tshamile ndzi nga tshukunyuki.

³⁶ Maxinjani xi sungurile ku gonya enhlohlorhini, kutani u tatlie milomo ha vumbirhi ya xibalesa xa yena hi mapa. Swingaleswi u xi hupile, kutani maxinjani xi rhelerile ehansi ka xiganga. Ndzi ehleketa leswaku, "Sweswi ndzi ta fanelia ku baleka; huwa liya hinkwayo yi endla ngulumelo. Xibalesa xa yena a xi ngari na nchumu sweswi."

Ndzi rhelerile ehansi ka nhlohlorhi, kutani nakulorhi a balesela emahlweni ka mina. Swi ndzi tlherisele endzhaku hi ndlela *leyi*. Nakona ndzi sungurile lahawani, kuya ehansi hi ndlela yin'wana, kutani xibalesa xa .22 xi sungula, swingaleswi maqulu a ya mbvuruma ehenhla ka mina. Ndzi ku, "U nge, ndzi le ndhawini yo chavisa swinene."

³⁷ Swingaleswi ndzi hundzulukile kutani ndzi rhelela enambyeni. Kutani ndzi ehleketa, "Ndzi ta ya ehansi nakambe ndzi tumbela ku kondza va heta, leswaku ndzi ta humela ehandle." Nakona ehansi hi patu, ndzi kumekile ndzi koka.... Rinoko ra mina ri kokiwile ku va ndzi langutisa etlhelwени ra mina ra xinene. Nakona, loko ndzi swi endlile, hi lahaya a ku vekiwile phakiti ra tisigarete leri ri nga riki na nchumu laha un'we wa vona a ri cukumeteke ehansi, eka ku tsutsuma hinkwako ka...loko vamaxinjani swi ri karhi swi famba hi swihlahla.

³⁸ Kutani ndzi rholerile phakete leri ra tisigarete, nakona ndzi ri langutisa....A ndzi ri rholelangi; ndzi kombela ku khomeriwa. Ndzi langutile ehansi eka rona. A ndzi ri rholelangi, hikuva a ndzi ri rhandzi risema ra swilo leswi, xo sungula. Kutani ndzi langutile ehansi, nakona i-i khamphani yo karhi ya fole leyi ndzi tshembhaka leswaku a ndzi fanelanga ku vula vito ra yona, kambe mi ta yi tiva. A yi vula leswaku lahaya, "Nhluto wa wanuna loyi a ehleketa ni nantswo wa munhu loyi a dzahaku."

Ndzi langutile nchumu wolowo, kutani ndzi ehleketa, "Nhluto wa wanuna loyi a ehleketa?" Ndzi ehleketa, "Loko wanuna a ri loyi a ehleketa, a ngaka a nga dzahi na swintsongo. Xana ri nga va njhani 'nchluto wa wanuna loyi a

ehleketa? Wanuna loyi a ehleketa a ngaka a nga dzahi na swintsongo." Hi swona.

³⁹ Sweswi, ndzi ehleketa, "Hilaha sweswo swi kangayisaka ha kona!" Sweswi, tikhamphani leti ta fole ti fanele kuva ta le Amerika. Nakona oho, loko hi hanya hi tirhelo ra hina, a hi ta tirhela ku pfunana, loko a hi twelana un'we eka un'wana. Ni hilaha swi xengaka ha kona! Xivangelo xo ka ndzi nga ri vulangi vito ra khamphani, i ku va ndzi lava kuvula swilo swo biha mayelana na vona. Kutani xana munhu a nga va ni vuxengi ku fika kwihi, kuva a endla mali?

⁴⁰ Wanuna loyi a ehleketa a ngaka a nga dzahi na swintsongo. Kambe hilaha vanhu va le Amerika va welaka eka swona; va ehleketa leswaku sweswo swi kahle ngopfu!

⁴¹ Sweswi langutani, mi ngaka, mi ngaka... Vutisani munhu un'wana na un'wana, vativi va sayense, mi ta... Mi ngaka mi ngavi na musi ku ngari na thari. Loko ku ri na vala rintsongo ra musi leri ri taka, sweswo i thari. Kutani loko u nga kumi musi, hi swona, a wu kumi thari na yintsongo, nakona a wu kumi nchumu. Ntsena wo va eku kokeni eka rinki leri ri tiyeke. Kambe ntsena loko wa ha kuma musi, u le ku kokeleni ka mfukuzani endzeni, nikhothini.

⁴² Loko a mi vile na mina lembe leri ri nga hundza, kumbe lembe emahlweni ka leri ri nga hundza, ndzi pfumela leswaku a kuri rona, eWorld's Fair, loko Yul Brynner ni hinkwavo ka vona a va ri kona eka swikombiso, kutani mi va vona va teka sigarete yaleyo, va yi veka endzeni ka nchumu wo karhi, ni ku yi koka ku tsemakanya xiphemu xa mavula. Nakona dokodela yaloye a chukucha, a songa ku tsemakanya lahaya ni ku susa nikhothini eka rona, nakambe a yi vekela enhlaneni wa kondlo ro basa, kutani a ri hoxa exhlengeleni. Nakona nkombo wa masiku yan'wana ni yan'wana a va ri humesela ehandle. Swingaleswi kondlo a ri tele swinene hi mfukuzani ri nga ha swikoti na ku famba, hikwalaho ka nikhothini leyi humaka eka sigarete yin'we.

⁴³ Kutani u teri, "Ma switiva, va vula leswaku u nga wu kuma hi nhluto." A ku, "Mi ngaka mi ngavi na nhluto... Nhluto wun'wana na wun'wana lowu wu nga ta humesela nikhothini ehandle, wu humesela musi ehandle," a ku, "hikuva mi fanele kuva na musi... kuva na thari ku endla musi, nakona i thari leyi yi nyikaka mfukuzani."

⁴⁴ Swingaleswi u yile, a wu koka ematini, kutani a ku, "Nkarhi wun'wana mi ehleketa leswaku mi nga wu hluta." A ku, "Nkarhi hinkwawo, lowu, swi nga ri na mhaka leswaku mi wu koka kwihi." A ku, "Va ri, 'A ndzi wu hefemuli,' kutani va wu nghenisa emilon'weni ya vona ni ku wu phela ehandle." Kutani u tekile sweswo ni ku swi songa-songa, kutani a swi veka ehansi ka nchumu wo karhi kwalahaya, ni ku kombisa leswaku a swa ha ri

mfukuzani. Mi endla yini xana? Ku swi mita swi rhelela hi nkolo wa n'wina. Wa vona? Nakona swi nga ri na mhaka leswaku mi endla yini, swa ha ri rifu. Wa vona?

⁴⁵ Kutani ku ehleketa leswaku khamphani yi nga kanganyisa wanuna ku ringana, kumbe ku ringeta ku kanganyisa vanhu va vona. Swi kotisa kota leri ri hanyakha hi, muxaka wa rona. Ku endla mali, ku xavisa rifu eka—eka tiko, ni le ka majaha. Nakona va ya ehandle ku ya rhangela nyimpi ni ku va fela, kutani va hundzuluka ni ku xavisa nchumu wo tani hi wolowo, ehansi ka vutiendlisi bya bunwa, "Nhluto wa wanuna loyi a ehleketa, kambe nantswo wa wanuna loyi a dzahaku." Mi ta fanela kuva na musi kuva mi kuma nantswo. "Nantswo wa wanuna loyi a dzahaku."

⁴⁶ Hilaha vanhu va welaka eka swona, hambi swi ri tano! Va swi kuma. Sweswi, kova ntsena swo mi kanganyisa ku yisa emahlweni. Wa vona, i swa javulosi. A va na mhaka na vutomi bya n'wina. A va na vutitwi eka n'wina. Va mi xavisela swilo sweswo ntsena ku mi hlalela loko mi fa, ntsena loko va tikumela mali.

⁴⁷ Tani hi tipolotiki na nyimpi. A ndzi pfumeli eka nyimpi. A ndzi pfumeli leswaku hinkwerhu a hi fanerile kuva na nyimpi.

Ndzi pfumela eka Mfumo lowukulu lowu Xikwembu xi wu tisaka, nhluvuko lowukulu lowu wu nga ta tisiwa ehansi ka ku fuma ka Xona N'winyi lokukulu; ku ngaka ku nga havi na nyimpi yin'wana. Rixaka a ri nga ha tlakusi matlharhi ku lwsana na tinxaka. Hinkwavo va tava lava va rhuleke, ku rhula loku ku nga Heriki.

⁴⁸ Swingaleswi nhluvuko wa muxaka lowu wu tisa nyimpi. Nakona loko hi ya hiri karhi hi hluvuka, ehansi ka lowu, hi kona hi vaka na tinyimpi to tala. Un'wana u ringeta ku va loyi a hluvukeke ku tlula un'wana, kutani ku nyanya ka nhluvuko ku endla nyimpi. Wa vona?

⁴⁹ Nakona langutani leswi, ehansi ka nhluvuko lowu, munhu a nga vaka ni maendlelo yo tani hi yalawa. Swingaleswi nchumu wun'we ntsena lowu swi wu endlaka, swo mi kanganyisa ntsena leswaku mi xava tisigarete to tala. Hikuva loko kuri ku wanuna u dzaha tisigarete... Nakona ndzi pfumela leswaku i swa javulosi, nakona ku na javulosi wa nikhothini endzeni ka wanuna ni, kumbe wansati. Kutani loko sigarete yin'we yi ta eneta javulosi loyi wa nikhothini ku kondza a ku siya u ri wexe ni ku tshika ku ku xanisa, hi sigarete yin'we. Swingaleswi u teka nhluto, wu pfumelela ntsena n'we xa nharhu wa musi ku hundza kwalahaya, kumbe n'we xa nharhu wa nikhothini yaleyo ku hundza kwalahaya, kutani swi ta teka tisigarete tinharhu ku teka ndhawu ya liya yin'we, nakona u ta dzaha tinharhu eka yin'we.

⁵⁰ Wa vona, kova ntsena e—e kungu, vukanganyisi, kungu ro ringeta ku xavisa tisigarete. Va nga xavisa ro tala hi ndlela yaleyo ku tlula loko va nga pfumelela wanuna ku dzaha fole epipini ya yena kumbe esigareteni ya yena. Sweswi, wa vona, i swa javulosi.

⁵¹ Loko ndza ha yimile kwalahayani ndzi ri langutile, ni ku ehleketa hilaha ri kangayisaka ha kona, ndzi teriwile hi xivutiso. Nakona ndzi voyamerile endzhaku, ndzi langutisa phakiti nakambe, kutani ndzi...swi tikombile ingaku nchumu wun'wana wu teri eka mina, "Kambe xilogenxi lulamile, 'nhluto wa wanuna loyi a ehleketa, nantswo wa wanuna loyi a dzahaku.'" Swi ndzi terile leswaku vukanganyisi byebyo, nakambe, eka ntsakelo wa ntumbuluko eka fole, i nchumu wo karhi eka nonganoko wa tikereke ta namuntlha, wa vona, i vukanganyisi.

⁵² Ri fikile laha misava hinkwayo yi hundzukeke vukanganyisi bya leswi swi nga ntiyiso wa xiviri ni leswi swi lulameke. Wa vona, hambi kuri eka tipolotiki, ni le ka timhaka ta le mindyangwini, exikolweni, eka hinkwaswo, swi hundzuka vukanganyisi.

⁵³ Nakulorhi lontsongo a ri eku ndzi byeleni eka rin'wana ra masiku leswaku a ri ehansi ekampeni ya masocha, nakona socha lerintsongo a ri kandziyiwile hi golonyi ya nyimpi; mahawu ya yena, khwiri ra yena, kumbe sweswi a swi ri swona, a swi boxekile. Kutani va yile exibedlheli; a vari na madokodela manharhu kumbe mune lama a ma yimile elayinini, nakona munhu un'wana ni un'wana a yimile elayinini. Nakona masocha mambirhi kumbe manharhu a ma yimisile nakulorhi wa vona, kutani yena a nga ha swikoti ku hefemula...Nkarhi hinkwawo loko a hefemula, rimbambu rero a ri tlhava endzeni ka mahawu ma yena, kutani sweswo a swi endla leswaku ngati yi halakela endzeni ka yena. Nakona va tshikile wanuna lontsongo a yima elayinini yaleyo, endzhaku ka layini, ni ku pfumelela vona, van'wana vanakulorhi lava va nga riki na nchumu kambe ku pandziwa hi ndleve kumbe swin'wana, ku ya emahlweni.

⁵⁴ Kutani hi nkarhi lowu a fikeke kwalahaya, kolonele un'wana u nghanile na n'wana lontsongo loyi a ri na swirhumbani, xijahetani xa yena kumbe xinhwenyetani a xi ri na swirhumbani evokwени ra xona. Kutani va yimisile layini, ku nghanisa n'wana wa kolonele, nakona jaha rero a ri boxekile, ri ri eku feni. Hi sweswo.

⁵⁵ Oho, loko kolonele yaloye a vile ni vutitwi bya xiviri eka boti wa yena elayinini, a tava a teri, "N'wana loyi a nga yima. Tisani wanuna luya lahawani hi xihatla, n'wi endleleni swin'wana!"

⁵⁶ Kambe wanuna un'wana ni un'wana u lava ku kombisa matimba ya yena. Sweswi, a hi hinkwawo va nga tano; ee, a hi hinkwawo va nga tano. Kambe ku na votala vo tani hi valava. Ku na votala va vona vo tani hi valava. Kambe wanuna, nchumu

wun'we ntsena lowu a ehleketa hi wona, a kuri xijahetani xa yena n'winyi lexi a xi ri na swirhumbani evokweni ra xona, nakona a nga ehleketa hi yena mufana wa xisiwana loyi a yimile lahaya a pyanyiwile ehansi ka golonyi ya nyimpi, golonyi yona yaleyi kumbexani na mufana yena yaloyi a ta ponisa vutomi bya yena siku rin'wana enyimpini. Wa vona, a va yimi ku tiehleketelela; vona va ri vox.

“Nhluto wa wanuna loyi a ehleketa.”

⁵⁷ Ndzi ri langutile, kutani ndzi ehleketa leswaku, “I nchumu wun'wana lowu kotisaka e—e tidinominexini ta namuntlha, tikereke leti hi nga na tona.” Yin'wana na yin'wana ya tona yi na nhluto wa yona; ti nhluto wa muxaka wa tona ti ri tox. Ti pfumelele ntsena leswi ti lavaka leswaku swi nghena, ni leswi swi nga ta ka swi nga ngheni; leswi ti swi hlutelaku endzeni ni ku swi hlutela ehandle, hi nhluto wa muxaka wa tona. Ti pfumelela vunyingi byo tano bya misava byi nghena ku eneta lava va nga pfumeriki lava va nga kwalahaya. Ti tava teka swi nga ri na mhaka leswaku hi vona va mani, loko va ri na mali. Ti ta va teka swi nga ri na mhaka leswaku hi vona va mani, loko va tiveka.

Kambe ku na nchumu wun'we ha swona, u ngaka u nga ngheni eKerekeni ya Xikwembu kukotisa sweswo; ku nga ri dinominexini sweswi, ndzi vula ya ntayiso, Kereke ya xiviri ya Xikwembu.

⁵⁸ Ku kotisa tikhamphani ta fole ta namuntlha, vanhu lava va yaka eka leswi swi vuriwaka tikereke kumbe tidinominexini, va ni nantswo, nakona nantswo wolowo i dyondzo ya le misaveni. Nakona dinominexini yin'wana ni yin'wana yi na nhluto wa yona n'winyi, nakona yi hlutela ehandle Vakreste va ntayiso hinkwavo lava va nga ta ku “amen” loko a ri eku chumayeleni; kutani yi nghenisa hinkwavo lava va nga ni misisi leyi yi bobikeke, Vayezabel va swikandza leswi swi pendikeke lava va nga etikwени, ntsena loko va dumile. “*Swingere-ngere* u ta eka hina... mutlangi wa tifilimi, munhu wa kahle.” Wolowo i muxaka wa nhluto lowu va wu tirhisaka. “Dinominexini ya hina. *Swingere-ngere*, presidente, kumbe—kumbe kolonele, kumbe un'wana loyi a welaka eka dinominexini ya hina.” Wa wu vona muxaka wa nhluto lowu va wu tirhisaka? Nhluto wolowo, hakunene, i wa misava, vanhu va misava.

⁵⁹ Vanhu, va switiva leswi va swi lavaka. Swingaleswi loko va fanele ku kuma leswi va swi lavaka, kutani va fanele kuva na nhluto wa muxaka wo karhi, na leswi ringaneke swa leswi misava yi vulavulaka hi swona, ku enetisa nantswo wa vona wa swa misava. “Nhluto wa wanuna loyi a ehleketa, nantswo wa wanuna loyi a dzahaku.” Nhluto wa vukhongeri bya misava, na nantswo wa wanuna wa misava.

⁶⁰ Va lava kuva na vukhongeri. Va ehleketa leswaku va fanele kuva na vukhongeri, hikuva va ni munhu wa le ndzeni.

⁶¹ Loko hi ta ro sungula etikweni leri, mi kumile Makula va ri karhi va gandzela madyambu na swin'wana, hikuva (hikokwalaho ka yini?) hi yena munhu. Hi tlhelela endzhaku emakhwatini ya le kule ya Afrika, hi kuma vaaka tiko va ri karhi va gandzela nchumu wo karhi. Hikokwalaho ka yini? I vanhu, nakona va lava, va fanele ku gandzela.

⁶² Swingaleswi munhu, swi nga ri na mhaka hilaha a weke ha kona, wa switiva leswaku ku na nchumu wo karhi kun'wana. Kambe u na nantswo wo karhi wa misava, laha a nga taka a nga swikoti ku teka nhluto lowu wu lulameke. U fanele kuva ni nhluto lowu a ti endleleke wona hi yexe. Un'wana ni un'wana u ti endlela nhluto wa muxaka wa yena n'winyi.

⁶³ Khamphani yin'wana ni yin'wana ya tisigarete yi tibumabumela hi ta yona, leswi ti nga swi endleka, "Nhluto wa xiviri! Lowu i nhluto wo antswa kutlurisa! Hinkwaswo swi famba emahlweni!" na hinkwaswo swo kota sweswo. Yi ku, "Nantswo wu ta," kumbe swin'wana, "wu famba emahlweni." Oho, hikwalaho ka vunene. "Ku famba emahlweni"? Xana i yini lexi xi nga emakumu ya le ndzhaku ka yona, hambi swi ri tano? Kunene a hi wanuna loyi a ehleketaku kumbe wansati loyi a ehleketaku. Kambe sweswo hi leswi yi swi vulaka, ntsena ku kanganyisa vanhu.

⁶⁴ Sweswi hi kuma leswaku, esikwini ra hina, leswaku vanhu va ni nantswo. Nakona xana hikokwalaho ka yini wanuna a dzaha sigarete? I ku enetisa nantswo. Xana wansati u dzahela yini sigarete? Ku enetisa nantswo.

⁶⁵ Swingaleswi loko kereke yi kumile ku twisia, ntlawa wa vukhongeri, va . . . ku nghenisa vanhu endzeni, va fanele kuva ni nhluto wa muxaka wo karhi ku ta nyiketa vanhu nantswo lowu va wu lavaku. Kutani loko va nga kumi nantswo lowu va wu lavaku, a va nga yi lavi sigarete yaleyo. Nakona loko va nga wu kumi nantswo lowu va wu lavaku eka vukhongeri, a va byi teki vukhongeri byebyo. Sweswi, ntsena ku va erivaleni hilaha swi nga kotekaku.

⁶⁶ Vavasati na leswo koma, misisi leyi yi bobiweke, swikandza leswi swi pendiweke, ku ambala swa vugangu, va lava sweswo. Va rhandza sweswo.

⁶⁷ Tani hilaha ndzi vulavuleke mixo lowu na mixo wa Sonto lowu wu nga hundza, hi vhilwa leri ra le xikarhi ka vhilwa, kumbe munhu lontsongo wa le ndzeni ka moya. Hilaha moya lowu wu nga ehandle, exikarhi ka munhu wa le ndzeni na miri, wu nga totiwaka hi Moya lowo Kwetsima. Xana hinkwenu mi swi twisisile sweswo? [Nhlengeletano yi ku, "Amen."—Muhleri.]

⁶⁸ Sweswi ku landzelerisa sweswo hi ku yisa emahlwени ka Hungu, *Xikwembu Xa Misava Leyi, Vatotiya Emasikwini Ya Makumu*. Lexi xa le handle, xirhendzevutani xa le xikarhi . . . Xirhendzevutani xo sungula i—i switwi swa ximunhu.

Xirhendzevutani xa vumbirhi i switwi swa ximoya; ku tsakela, ku tsakela ka vun'winyi, ku navela, na swin'wana. Kambe xa le ndzeni i munhu wa le ndzeni; munhu loyi wa le ndzeni u hlawuleriwile emahlweni.

Swingaleswi, va nga wu tota moya lowu ku endla leswaku miri wa le handle wu va ehansi ka vulawuri bya moya. "Kambe moya lowu wu dyohaka, moya walowo wu ta fa." Munhu wa le ndzeni loyi a alaka, hi ku kala ku pfumela, Rito ra Xikwembu, leri a nga xiphemu xa rona, munhu loyi wa le ndzeni hilaha ku nga Heriki u ta . . . u tano, minkarhi hinkwayo.

⁶⁹ Ndzi pfumela eka rifu hilaha ku nga Heriki, tani hilaha ndzi pfumelaka eka Matilo lawa ya nga Heriki, kambe ku ngari tihele hilaha ku nga Heriki. Ku hava nchumu wo tani hi tihele hilaha ku nga Heriki. Ri kona rifu hilaha ku nga Heriki eka vanhu lava nga . . . Votala va vona, vakhongeri, emisaveni namuntha, va vile lava va feke hi minkarhi hinkwayo.

⁷⁰ "Wansati loyi a hanyaka hi ku titsakisa," hi misisi leyi yi bobeweke na xikandza lexi xi pendiweke, "u file a ri karhi a hanya." Bibebe yi vurile tano. Wa vona? Wa vona, a nga hava a ri mukhongeri, kambe a nga kalanga a ponisiwa. U ni ku famba ka le handle. A ngava a yimbelela ekhwayereni, kumbe a ngava a cina a ri Moyeni, a nga hava a vulavula hi tindzimi, ni kuva na swikombiso hinkwaswo swa Moya. Kambe handle kaloko munhu loyi wa le ndzeni eka n'wana wa xisati a ri n'wana wa Xikwembu, wa vona, a fambile, a swi na mhaka leswaku u endla yini.

⁷¹ Israel a yi ri ya ximoya ehandle hinkwako, hinkwavo va tatiwile hi vunene bya Xikwembu, ni hilaha va xiximeke Xikwembu, na swin'wana, kambe sweswo a swi tirhangga. Vundzeni bya vona a byi nga swikoti ku lemuka Rito hi Roxe.

⁷² Kambe loko u tswariwile hi Moya wa Xikwembu, kutani u na . . . u n'wana wa Xikwembu, nakona u vile n'wana wa Xikwembu hi minkarhi hinkwayo, kutani u ta tshama u ri n'wana wa Xikwembu. Ku hava ndlela yo swi hambanyisa, hikuva i . . . u na Vutomi lebyi nga Heriki. Nakona leswi nga Heriki a swi kalanga swi sungula; na swona swi ngaka swi nga heli.

⁷³ Oho, hikwalaho ka tintswalo ta Xikwembu, leswaku Xi nga hi nyika ku twisisa ka swihundla leswikulu swo tani! Tani hilaha Paul a vulavuleke lahawani, ku ya ehansi eka Vaefesa, a vulavula hi nuna na nsati, kutani a ku, "Lexi i xihundla," hilaha vavasati va faneleke ku va ni nhloniphlo eka vavanuna va vona. Hambi yi ri ndhawu ya vumbirhi, ndzi pfumela leswaku hi yona, Bibebe hinkwayo, laha ku nga kala ku vulavuriwa hi ku xixima. A ku, "Vavasati, a va voni leswaku va xixima vavanuna va vona, ku xixima vavanuna va vona." Swingaleswi nuna u fanele ku hanya vutomi lebyo tano emahlweni ka nsati wa yena leswaku nsati wa yena a ta n'wi xixima tani hi n'wana wa Xikwembu. Nakona

loko a nga hanyi vutomi bya muxaka wolowo, hi swona, kutani, kunene, a nge n'wi xiximi, hikuva u tiva leswi a endliweke hi swona. Kambe loko wanuna a ri wanuna loyi a xiximaka, ku xixima ni ku basa, eka nsati wa yena ni le mahlweni ka ndyangu wa yena, nandza wa Xikwembu wa xiviri, kutani vavasati, vana, ni hinkwavo, va fanele ku hlonipha nandza loyi wa Xikwembu, hi xichavo.

⁷⁴ Xiyisisani sweswi. Vavasati, va lava kuva na misisi leyi yi bobiweke. Va lava ku ambala leswo koma, pende, switolwatolani. Tibikini letintsongo na swilo leswi—leswi va swi ambalaka masiku lawa, va lava ku swi endla; kutani hambi swi ri tano va lava ku ya ekerekeni. Mi vona ntoto walowo ehenhla ka moyo, ku ngari ehenhla ka munhu wa le ndzeni. Wa vona?

⁷⁵ A ku, u lava kuva Mukreste nakambe a endlile swilo leswi, nakona mufundhisi a ku swi lulamile. Kutani loko a ku swi lulamile, "U nga ha va xirho; vito ra wena ri nga ha va ebukwini ya mina ya kereke lahawani; swi lulamile," kutani u n'wi nyika nhluto wa yena wa xidinominexini ku enetisa nantswo wa swa misava wa wansati. U rhandza misava; u tsakela nantswo wa yona. Swingaleswi u na nhluto wa yena, kambe u le kule ni kuva wansati loyi a ehleketa. Kambe hi sweswo. Kwalaho hilaha ndzi kumeke tsalwa leri.

⁷⁶ Ee, a nga e—e wansati loyi a ehleketa. Loko a ehleketa, a ta switiva leswaku kereke a yi nge n'wi avanyisi hi Siku ra makumu. Kereke yi le ku n'wi avanyiseni sweswi hi vuxirho bya yena, ku tshembheka ka yena eka swirhendzeyutani leswi a welaka eka swona na tisosayiti. Swi le ku n'wi avanyiseni hi sweswo sweswi. Kambe Xikwembu xi ya eku n'wi avanyiseni hi Siku ra makumu. Swingaleswi a nga le ku ehleketeni.

⁷⁷ Ntsena tani hi wanuna loyi a dzahaku; u rhandza sigarete swinene ku kondza ndzawulo ya maehleketelelo ya yena yi tsana hi nikhothini. Nakona ku navela ka wansati ku tsanisile ndzawulo ya maehleketelelo ya yena ku kondza a endla swilo leswi swi biheke emahlweni ka Hosi, hikuva u lava ku swi endla; swi enetisa nantswo wa wansati wa le misaveni. Swingaleswi u teka nhluto wa kereke ya le misaveni; a famba hi wona, kahle, ku nga ri na swo karhata. Swi kombisa . . .

⁷⁸ Sweswi ha swi vona lahaya leswaku wolowo i Ntiyiso. Kutani mufundhisi u ri, "Hi swona sweswo. A hi va siveli vavasati ku endla sweswo. Swi lulamile." Ku ni vudyoho byo ringaneli eka swona; sweswo swi hi kuya hi nhluto wa yena. Swi kombisa leswaku va hundzile hi nhluto wa ntivo vukhongeri. Nakona va na nantswo wa ntivo vukhongeri; nakambe a va ri ni nantswo wa ntivo vukhongeri. Kambe kunene-nene a swi hundzanga hi nhluto wa Xikwembu. Ee, nkulukumba.

⁷⁹ Sweswi, loko kuri leswaku ku ni nhluto wa ntivo vukhongeri eka loyi a ehleketa. hi ntivo vukhongeri, nakona kuri ni nhluto

wa kereke eka loyi a ehleketaku hi kereke, nhluto wa sigarete eka loyi a ehleketaku hi sigarete, ku fanele kuva na nhluto wa xiviri kun'wana eka muehleketi wa xiviri. Kutani Xikwembu xi na Nhluto, nakona wolowo i Rito ra Xona. Hi rona mubasisi, hikuva hi Rona mamati ya ku basisa evudyohweni. Sweswi, yaloye i wanuna loyi a ehleketaku kumbe nantswo wa wanuna loyi a teneke.

⁸⁰ Kutani loko wanuna a hundza eka muxaka wa nhluto wa misava, u—u na nantswo wa le misaveni. Nakona kukotisa khamphani ya fole, u kuma swirho swotala ekerekeli ya yena hi ku va susumeta ku hundza hi nhluto lowu. Loko va ku, "Ku na vavasati votala lava va yaka ekerekeli kutlula vavanuna." Sweswo swi nga va tano. Sweswi, sweswo swi nga va swi ri ntiyiso, loko a nga ya kutani a endla xin'wana ni xin'wana lexi a xi lavaka. Hi swona. U ta swi endla, u ta joyina swin'wana na swin'wana, kambe u hundzile hi nhluto lowu wa kereke. Loko a hundzile hi Nhluto wa Xikwembu, a ta huma a ri loyi a hambaneke na sweswo. Wa vona? A nga ta hundza eka Nhluto wa Xikwembu kutani a huma na misisi yo bobiwa. A ngaka a nga swi endli.

⁸¹ Sweswi leswi swi ya eku—eku baveni swintsongo kumbexani eka munhu un'wana. Kambe loko a sungurile hi Nhluto wa Xikwembu, nakona Wa vula lahaya leswaku va nga titsemeti misisi, kutani (yini?) u rhurhela etlhelo lerin'wana. Loko Wu vule leswaku i xidyo kuva wansati a endla swo tani hi sweswo, nakona wa tixumbadza hi ku endla tano.

"Loko a swi lava," u ri, "hi swona, u fanele ku tsemesta misisi ya yena."

A ku, kutani, "Ku yi byevula yi suka." Nakona a ku, "Ha switiva leswaku i tingana kuva wansati a byevula nhloko ya yena." A ku, "Kutani a funengeti nhloko ya yena." Nakambe misisi ya yena i xifunengeto xa yena; ku ngari xihuku, manana. Misisi ya yena i xifunengeto xa yena, Bibele yi vurile tano. Hi swona. Swi kombisa leswaku i Munazira eHosini. Misisi yo leha, eka wansati, yi vula Munazira eHosini. Sweswi, hi kuma leswaku sweswo i ntuyiso.

⁸² Kambe hi kuma leswaku loko wanuna loyi a ehleketaku, swi vurisiwa xisweswo emisaveni, a nga dzaha ni ku tlhela a kuma nantswo wa yena, a fanele kuva ni ku twisia ko ringana ku tiva leswaku u le ku kumeni ka thari kusuka eka fole. Kambe ntsena swi, leswi swi swi endleke, i ku n'wi xavisela ro tala, ku n'wi endla a xava tisigarete to tala.

⁸³ Kutani nhluto wa kereke wu kuma vuxirho hi swilo swo kotisa sweswo loko va va pfumelela ku hundza eka swin'wana na swin'wana nakona va tama va ha wela ekerekeli, va kuma swirho swo tala. Xana loko a hi lo ya etikerekeli vusiku lebyi kutani hi hlutela ehandle munhu un'wana ni un'wana ehandle

ka lava va nga Vakreste va xiviri lava va tswariweke hi Rito. A ku tava kuri na minchumayelo yo tala leyi nga riki na nchumu ehenhla ka khumbi vusiku lebyi, i ntiyiso, hikuva yi hundzile eka Nhluto.

⁸⁴ Nakona loko ndzi ri niku navela kun'we embilwini ya mina, swingaleswi ndzi tshembha leswaku munhu un'wana ni un'wana loyi a ndzi yingiseleke u ni nchumu lowu wu fanaka, "Xikwembu, ndzi hundzisi hi le ka Nhluto wa Wena." Tani hilaha Davida a nga teri, "Ndzi kambe, ni ku ndzi ringa, nakona u vona loko ku nga va niku biha endzeni ka mina, kutani u ku humesela ehandle, Hosi." Wa vona? Ndzi lava Nhluto wa Xikwembu. A ndzi na mhaka na leswaku misava yi endla yini, leswi kereke yi nga na swona; ndzi lava kuva wanuna loyi a ehleketaku, ku ehleketa hi Loyi ndzi nga tava ndzi yimile hi yena eka rin'wana ra masiku, eku Avanyiseni.

⁸⁵ Xiyisisani, khamphani ya fole yi swi endlela ku xavisa tisigarete to tala; kereke yi swi endlela ku kuma swirho swo tala. Wansati wa misisi leyintsongo, loyi a ambaleke leswo koma, a nga hakamela eka Nhluto wa Xikwembu. A nga ta hundza eka Wona, na misisi leyintsongo, hikuva Bibele yi teri a nga fanelanga ku swi endla. U tixumbadza nhloko ya yena loko a swi endla. Hi fanele ku switiva. Kambe u ya kahle ekerekeni, hinkwavo ka vona. Nkarhi wun'wana ndzi yima . . .

⁸⁶ Ku ngari ku tsan'wa munhu un'wana; a ndzi kali ndzi vulavula hi munhu wokarhi mayelana na munhu wihi kumbe wihi, kambe i xidyoho ekerekeni. Mi ndzi rhwexa rhikhodo ya sweswo. A ndzi vulanga ndzi ku, "Sesi *Swingere-ngere* u *swingere-ngere*, kumbe Tatana *Swingere-ngere*, kumbe Muf. *Swingere-ngere* u *swingere-ngere*." Ee, nkulukumba. Ndzi ri xidyoho i xidyoho. Loko ku ri ku xi le ndyangwini wa mina, xi ri eka mina, hambi xi ngava xi ri eka mani na mani, xa ha ri xidyoho. Ku ngari tani hi munhu ha un'we-un'we, a ndzi vulavuli ku lwisana ni vanhu ha un'we-un'we. Ndzi vulavula ku lwisana ni xidyoho. A ndzi na mhaka ni loko ku ngava mina kumbe hambi ku ngava mani na mani, swi sungula eka Nhluto wa Xikwembu, xidyoho xihi na xihi xi ta ku yimisa kwalahaya.

⁸⁷ Xiyisisani. Kambe wansati loyi a lavaka kuva na misisi leyintsongo ni ku ambala leswo koma, kumbe ku tola pende na swin'wana na swin'wana, a nga hundza hi nhluto wa Xipentekostal ku olova tani hi phayi, kungari na nchumu hi swona, ku hundzela ekufeni. Hikuva, yena . . . U ri, "Hi swona, ku hava ku vaviseka eka sweswo."

"Loko mi rhandza misava kumbe swilo swa misava, swi hikwalaho ko va rirhandzu ra Xikwembu ri nga ri ka n'wina."

⁸⁸ Ku rhelela hi moyo lowu, kutani, a nga kokela ehansi endzeni ka munhu wa le ndzeni, swilo leswi swi nga riki swa Xikwembu ni ku lwisana na Rito ra Xikwembu, loko sweswo swi ri nantswo

wa munhu wa le ndzeni. Swi nga ta hi nantswo; *ku vona, ku ringa...* Swi nga ta hi ku ehleketa, hi ku *anakanya*, “Ku hava ku vaviseka eka swona. Ndzi na nantswo. Ndzi na matitwelo. Ndzi na matitwelo ya leswaku leswi swi lulamile.” A nga rhelela ehansi ku hundza hi sweswo, ni ku nghena eka munhu wa le ndzeni, loko munhu wa yena wa le ndzeni a ri wo fana na sweswo. Swi kombisa leswaku a nga tswongi eka Nhluto wa Xikwembu.

Kambe loko a ri na misisi yo bobawa, a torile switolwa-tolani, leswo koma, swiburukwani, a languteka tani hi wanuna, swileke leswi hinkwaswo na leswi va swi vitanisaka xiswona; va vula swilo swa muxaka wolowo, na ku endla swilo sweswo, na ku hanyela misava, u ta yima; a ngaka a nga hundzi Lahaya. Ee, nkulukumba. Wu ta n’wi yimisa emasunguleni.

⁸⁹ Xiyisisani, wanuna loyi a languteke milomo ya yena yo tshwuka yo saseka na xikandza lexi xi pendeweke, na leswo koma na—na tibikini, na sweswi a nga na swona; wanuna wa xiviri loyi a ehleketa a ngaka a nga n’wi langutisi. Sweswi, wanuna loyi a ngo va xirho xa kereke u ta n’wi langutisa, a n’wi tsakela. Kambe a ndzi na mhaka ni leswaku u languteka njhani hi matihlo, wanuna loyi a ehleketa u ta hundzuluxa nhloko ya yena. Hikokwalaho ka yini? U hundzile eka Nhluto wa Xikwembu, kutani wa switiva leswaku ku n’wi langutisa i vuoswi embilwini ya yena. A nga ehleketa leswaku u xongile.

Mi ri, “Xana a nga nchumu wo xonga!”

Ku ngari eka yena a swi tano. U languteka a thyakile, xisiwana Yezabel wa khombo, eka wanuna loyi a ehleketa. N’wana wa Xikwembu u n’wi langutisa hi tingana kuva a ri wa ndyangu wa ka vona. Hi swona sweswo. “Xana a nga va sesi wa mina njhani nakona a tikhomisile xisweswo?”

⁹⁰ Wa vona, u kokile ku hundza eka nhluto wo karhi, kutani yena u tile hi wun’wana. A nge ehleketa leswaku wansati u sasekile, na swintsongo. Sweswo a hi ku saseka eka wanuna wa xiviri wa Xikwembu.

⁹¹ Tsundzukani, nkarhi wun’wana loko Ngati ya Yesu Kreste yi nga se va Nhluto, tani hiloko hi ta nghena eka swona ku nga ri khale, “Vana va Xikwembu va vona leswaku vanhwenyana va vanhu, va sasekile, kutani va titekela ka vona evavasati.” Xikwembu a xi kalanga xi va rivalela swona. Swi humelerile nakambe, eku macheni ka Israel, nakona Xikwembu a xi kalanga xi va rivalela. Un’wana ni un’wana wa vona u lovisiwile.

Nhluto wa wanuna loyi a ehleketa!

Ndzi humile enhlengeletanwini lahawani; a kuri na ricky lontsongo loyi a yimile kwala ndzhaku ka kereke vusiku byin’wana, a ku eka mina, kwalomu ka nharhu kumbe mune wa malembe lawa ya hundzeke, a ku, “Xivangelo xo va u vula sweswo, u wanuna wa khale.” A ku, “Ndzi ehleketa leswaku va languteka kahle.”

Ndzi ku, "Ndza swi anakanya sweswo." Hi malangutekelo ya yena ntsena, mi nga ha vula leswi a langutekisa xiswona. Ndzi ku, "U nge ndzi ku byela swin'wana. U ni malembe mangani?"

"Kwalomu ka makume nharhu wa malembe hi vukhale."

⁹² Ndzi ku, "Loko ndza ha ri na khume ntlanu wa maleme hi vuntsongo eka wena, a ndzi ehleketa nchumu lowu wu fanaka." Hi swona. Nakona swi tama swa ha ri thyaka!

⁹³ Nhluto wa wanuna loyi a ehleketa! Xiyisisani sweswi, loko kuri a ri tano, miehleketo ya yena yi hlutiwile hi Rito ra Xikwembu, Nhluto wa Xikwembu, a ngaka a nga n'wi langutisi. A ngaka a nga ehleketa leswaku u sasekile; u ta ehleketa leswaku i Yezabel. U ta ehleketa leswaku, endzhaku ka milomo leyo tshwuka i meno ya phoyizeni lawa ya nga n'wi lumaka. Nakona Bibele yi teri, "Minyangwa ya yena i minyangwa ya tihele; nakona wanuna u nghena hi yona kukotisa nkavi leyi yi yaka eku tlhaviweni." Hi wolowo Nhluto wa wanuna loyi a ehleketa!

⁹⁴ Mi navela yini xana? Loko wansati a rhelela hi xitarata a ambarile kukotisa sweswo, kutani n'wina vavanuna mi hundzuluxa tinhloko, mi sondzolota kukotisa sweswo, a mi le ku tirhiseni ka Nhlunto wa wanuna loyi a ehleketa. Hikuva, loko mi swi endla sweswo, mi le ku endleni ka vuoswi, hikuva Nhluto wu teri, "Mani na mani loyi a langutaka wansati ku n'wi navela u oswile embilwini ya yena." Hundzuluxa nhloko ya wena, wena wanuna loyi a ehleketa. Fambela ekule na yena. A nga sasekanga. Hi yena nyoka; hi swona sweswo, u tshombhonyoka ku kota yona, u tikhoma ku kota yona, u luma ku kota yona. Va na ekule na yena.

⁹⁵ Oho, ina, Rito ra Xikwembu i Nhluto wa wanuna loyi a ehleketa. Un'wana na un'wana wa switiva sweswo. Sweswo hi leswi munhu wa le ndzeni ka n'wina a hlutiweke hi rona, Rito ra Xikwembu. Nakona Ri endla leswaku, loko mi ta hi le ka Xikwembu... Loko wanuna loyi a ehleketa a hundza hi le ka Nhluto wa Xikwembu, wu n'wi nyika nantswo wa wanuna wo kwetsima. Hi swona sweswo. Loko mi ta hi le ka Nhluto wa Xikwembu, kutani nantswo wa n'wina i nantswo wa wanuna loyi a kwetsimaka. Wu endla nantswo wa wanuna wo lulama. Hakunene xiogeni xi lunghile.

⁹⁶ Sweswi hi kuma hilaha leswi swi endliweke ha kona eka xifananiso, eIsrael, enhlengeletanwini ya Israel ntsena. Xexo hi xona xivangelo, ndzi vulavula hi leswi sweswi, loko tiministara ti kaneta swin'wana ni swin'wana leswi swi vuriweke; leswi i swa nhlengeletano ya mina leyi Hosi yi ndzi nyiketeke ku va—ku va ndzi yi chumayilela.

⁹⁷ Xiyisisani eka Eksoda 19, ndzi lava leswaku mi yi hlaya loko mi ya emakaya, loko mi ri na nkarhi wo tala. Xiyisisani, loko Israel ri dyohile, xo sungula a va teka thokazi ro tshwuka leri

nga si tshamaka ri va na joko enhan'wini ya rona. Sweswo swi vula leswaku a ri si tshama ri paniwa na nchumu.

⁹⁸ Nakona a ri fanele ku va ro tshwuka. Muhlovo wo tshwuka i—i muhlovo wa mfungho wa ku rivaleriwa. Ma switiva, sayense ya switiva leswaku loko u teka ko tshwuka ni ku langutisa hi ko tshwuka, eka ko tshwuka, ku va ko basa. Langutisa hi ko tshwuka, eka ko tshwuka, i ko basa. Xi langutisa hi Ngati yo tshwuka ya Hosi Yesu, kutani swidyocho swa hina swo tshwuka swi hundzuka leswo basa kukotisa gamboko; ku tshwuka eka ko tshwuka.

Nakona thokazi a ri dlayiwa na madyambu, hi nhlengeletano hinkwayo ya Israel.

Nakona a ku endliwa mikhwazu ya nkombo hi ngati ya rona ehenhla ka nyangwa lowu nhlengeletano hinkwayo a yi fanele ku nghena hi kona; xifananiso xa Tinguva ta Nkombo ta Kereke, hi Ngati.

⁹⁹ Kutani ntsumbu wa rona a wu tekiwa ni ku hisiwa. A wu hisiwa na swinondwani, na dzovo, na swoswo, na swanyu. Hinkwaswo a swi hisiwa, swin'we.

Nakona a wu fanele ku oleriwa hi wanuna loyi a tengeke, nakona a wu fanele ku vekiwa endhawini leyi tengeke ehandle ka nhlengeletano. Swingaleswi, loko Israel yi nga kota ku vona xifananiso! Rito leri ra Xikwembu a ri fanelanga ku khomiwa hi mavoko ya thyaka ya ku pfumala ripfumelo. Ku fanele ku va wanuna loyi a tengeke. Nakona loko a tengile, a fanele ku ta hi Nhluto wa Xikwembu.

Wanuna loyi a tengeke, mavoko yo tenga, nakona a wu fanele ku vekiwa endzhawini yo tenga; ku nga ri ndzhawu leyi Vayezabel, na Varicky, na hinkwaswo swi tekaka xiave; ku teka xilalelo na swilo, loko va ri karhi va tsutsuma hinkwako na vavasati, na vavanuna, na mixaka hinkwayo ya thyaka; va ya laha ku ciniwaka ni le minkhubyeni, ni ku ambala misisi leyi bobiweke, na leswo koma, na leswin'wana hinkwaswo, nakona va tititana Vakreste. Wu fanele ku vekiwa endzhawini leyi tengeke, ni ku khomiwa hi mavoko lawa ya tengeke.

¹⁰⁰ Swingaleswi loko Israel ri dyohile, ni ku lemuka leswaku va endlile leswi swi hoxekeke, kutani a va xuviwa hi nkuma wa thokazi leri, ehenhla ka vona. Kutani yalawa a ya ri mati ya ku ava, ku basisa evudyohweni.

¹⁰¹ Xiyisisani. Hi leswi kwala! Kutani loko Israel, loko va nga se nghena eka xinakulobye eku gandzeleni, a va fanele ku sungula va hundza eka mamati ya ku ava. "Ku lulamisiwa hi ripfumelo; ku ta hi ku yingisa, ku yingisa Rito."

Kutani a va nghena endzeni ka nhlengeletano ehansi ka mikhwazu liya ya nkombo, ngati, ku kombisa leswaku xin'wana xi file na ku ya emahlweni ka vona, hikwalaho ka vudyoho bya

vona. Va aviwile hi ku yingisa Rito, mamati ya ku ava, kutani va nghena eka xinakulobye.

¹⁰² Ndzhawu yin'we ntsena laha Xikwembu xi hlanganeke na wanuna a kuri hi le ndzhaku ka nongonoko wolowo. A xi nga ta hlangana na yena kun'wana. A fanele ku ta hi le ndzhaku ka nongonoko wolowo. Xikwembu xi hlanganile na Israel endzhawini yin'we.

Nakona Xikwembu xi hlangana na n'wina namuntlha endzhawini yin'we ntsena, kutani kwalano hi le ka Yesu Kreste; nakona hi Yena Rito, mamati ya ku ava. Kutani Ngati ya Yena yi halateriwile hinkwato Tinguva ta Nkombo ta Kereke. Swingaleswi, hi Moya lowo Kwetsima, hi nghena eka xinakulobye xexo, lexi xi nyiketiweke eka Kereke ntsena. Oho, hilaha A nga nkulukumba ha kona!

¹⁰³ Nakambe, sweswi, hi lava ku langutisa ekaVaefesa 5:26, yi ri, "I ku hlantswa ka mati hi Rito," mamati ya ku ava. Xana Ri endla yini? Kutani, Nhluto wa Xikwembu i Rito. Mamati ya ku ava, "ku hlantswa ka mamati, ya ku ava, hi Rito," Nhluto wa Xikwembu.

¹⁰⁴ Kutani, mi ngaka mi nga ti eka Kreste hi nhluto wa kereke. Mi ngaka mi nga ti hi nhluto wa dinominexini kumbe nhluto wa milawu. Ku na Nhluto wun'we ntsena, lowu mi nga nghenaka endzeni ka xivandla lexo kwetsima, leswi nga hi "ku hlantswa ka mati hi Rito." Rito ra Xikwembu i Nhluto wa wanuna loyi a ehleketa.

¹⁰⁵ Kereke yi ta ku avanyisa kona kwala loko kuruku u xirho xa kahle, kumbe ee. Va ta ku endlela nkosi wa kahle, ni ku yimisela mujeko exikarhi enkosini wa wena, va rhumela swikatsa leswikulu swa swiluva na—na ku ku endlela hinkwaswo. Kambe loko swi ta ehansi eka munhu wa le ndzeni ka wena kuva a langutana na Xikwembu, swi fanele kuva hi Vutomi lebyi nga Heriki. Kutani loko swi ri hi Vutomi lebyi nga Heriki, swi xiave xa Rito. Nakona tani hi leswi rito ra mina n'winyi ri nga ta ka ri nga tsan'wi...

Voko ra mina ri ngaka ri nga tsan'wi voko ra mina. Mahlo ya mina ya ngaka ya nga ri tsan'wi voko ra mina, kumbe nenge wa mina, kumbe xikunwani xa mina, kumbe xirho xin'wana ni xin'wana xa mina. Swi ngaka swi nga tsan'wani.

Nakona wanuna loyi a nga xiave xa Rito ra Xikwembu a ngaka, kumbe wansati, a nga tsan'wi xiphemu na xin'we xa Rito ra Xikwembu. Kutani, vavasati, loko miehleketa leswaku mi nga va na misisi yo bobiwa kutani mi ta eVukoneni bya Xikwembu, ma hoxisa. Ma swi vona xana? Ma hoxisa; mi ngaka mi nga hundzi eka Nhluto wa Xikwembu laha mi hlantswiwaka hi mati ya Rito. Loko mi nghena eka xinakulobye. Mi ehleketa leswaku mi tano, kambe a mi nge swikoti ku kondza mi hundza hile Ritweni, na xivati xin'wana na xin'wana lexintsongo, Rito

rin'wana na rin'wana lerintsongo ra Xikwembu. "Munhu a ngaka a nga hanyi hi vuswa ntsena, kambe hi Rito rin'wana na rin'wana." Swi fanele ku ta hi ku hluta kwaloko, ku ta hi kona. Nakona sweswo swi nyika nantswo wa wanuna loyi a lulameke, hikuva hi leswi a swi lavaku, u lava nchumu lowu nga ta n'wi basisa.

¹⁰⁶ Rito, Rito ra Xikwembu i Nhluto wa wanuna loyi a ehleketa, nakona Wu endla nantswo wa wanuna loyi a lulameke. Ha switiva leswaku i ntiyiso; wu hlutela vudyoho hinkwabyo bya ku pfumala ripfumelo ehandle. A ka hari na ku ka u nga pfumeli loko u hundza eka Nhluto, hikuva i nantswo wa mupfumeri wa ntiyiso.

¹⁰⁷ Mupfumeri wa ntiyiso u lava ku lulama, swi nga ri na mhaka. Ntsena a nga swi lavi ku vula leswaku, "Hi swona, ndzi wela eka swiyimo swa le henhla etikweni. Ndzi nghena kereke, kereke leyikulu edorobeni." A ndzi na mhaka leswaku yi ngava mixini ekhoneni, loko yi ri vutshamo ehansi ka minsinya ya brush, kun'wana, wanuna loyi a ehleketa, wa switiva leswaku u fanele ku hlangana na Xikwembu. Nakona swi nga ri na mhaka leswaku kereke yi ri yini, kumbe leswi mani na mani a swi vulaka, u fanele ku ta hi swilaveko swa Xikwembu. Nakona swilaveko swa Xikwembu i Rito ra Xikwembu.

"Hi swona," va ri, "'Rito ra Xikwembu.'"

Hakunene, hinkwavo ka vona va pfumela leswaku I Rito ra Xikwembu, kambe xana u nga hluta hi Rona? Xana u nga n'wi pfumelerisa ku yini wansati wa misisi yo bobawa kuva a hundza hi kona Kwalahaya? Xana u ta swi endlisa ku yini sweswo? Xana u nga n'wi pfumelerisa ku yini wanuna a hundza hi kona Kwalahaya loyi a nga taka a nga khomeleli eka Dyondzo ley? Wa vona?

A hi wona nantswo wa wanuna loyi a ehleketa. Ee. Wanuna loyi a ehleketa u ta ehleketa, wanuna loyi a ehleketa u ta ehleketa ka mbirhi a nga se tlulela eka nchumu wo tani hi walowo.

¹⁰⁸ Xiyisisani, Rito rero ri ngaka ri nga titsan'wi rona hi Roxe. Kutani wu enetisekile, kumbe i ku navela. I ku navela ka yini? I yini lexi xi ku endleke u Ri navela, emasungulen? Hikuva ehansi eka munhu wa le ndzeni ka wena ku na mbewu ley iyi hlawuleriweke emahlweni ley iyi Vutomi lebyi nga Heriki, yi tshama yi ri kwale ndzeni, a yi ri kwale endzeni hi minkarhi hinkwayo. "Hinkwaswo leswi Ndzi swi nyikiweke hi Tatana swi ta ta ka Mina. Ku hava na un'we wa vona a nga ta lahleka."

¹⁰⁹ Nantswo wa wanuna loyi a ehleketa, loko wanuna loyi a ehleketa a twa Rito ra Xikwembu, "Tinyimpfu ta Mina ti yingisa Rito ra Mina, loyi ti nga n'wi tiviki a ti n'wi landzeli," hikuva ehansi ku ni Vutomi, kutani Vutomi byi ti hlanganisa na Vutomi.

Xidyoho xi ti hlanganisa na xidyoho, nakona xidyoho xi na vuxisi ku kondza xi ehleketa leswaku xi ponisiwile loko xi nga ponisiwanga. Xi le ka vuenti bya vuxisi.

¹¹⁰ Swirho swa kereke swi lava nhluto wa xidinominexini leswaku swi tava ni ku navela ka swona vinyi ni ku tama swa ha hlaiwa entlaweni wa vanhu va “vukhongeri.” Mi ta va twa va ku, “Oho, i mukhongeri swinene.”

¹¹¹ E Afrika, a ndzi ri kwale ni siku rin’wana, nakona a va ri eku vulavulenai mayelana na swona, vana van’wana a va vulavula mayelana na tinsimu ta rock-and-roll leti Elvis Presley na vona a va ti yimbelela, Pat Boone na van’wana na van’wana votala, Ricky Nelson na lavan’wana hinkwavo. Ndzi teri, “I ntawala wa vagwinihhi.”

Xinhwenyetana xin’wana xi ku, “Hikokwalaho ka yini, i mukhongeri swinene.”

¹¹² Ndzi ku, “Na Yudas a ri tano.” Ndzi ku, “Yudas u kumile makume nharhu wa swiphemu swa silivhere; Elvis Presley u kumile mamiliyoni mangari mangani ma tidolara.” Wa vona? “Ha vumbirhi va xavisile timfanelo ta vona ta ku tswarewa.” Wa vona? Ndzi ku, “A va nchu-...xikweleti xo chavisa lexi rixaka ri nga na xona.” Swa ha ri tano, ku kanganyisa tani hi nhluto wa sigarete, tidinominexini leti ti pfumelela swirho sweswo ku nghena endzeni. A va nga fanelanga ni kuva... A ku fanele kuva ni nawu laha va nga taka va nga ha yimbeleli tinsimu ta swa vukhongeri. Swi lwasana... a swi fanele kuva leswi swi lwasanaka na nawu kuva va swi endla.

Kambe nchumu hinkwavo wu hundzukile nhulu leyikulu ya vuxisi, kutani hilaha namuntlha va nga kona. Wa ntiyiso Nhl... [Xivati lexi xi nga riki na nchumu eka thepi—Muhler.] wa munhu wa le ndzeni, wu ri, “Loko mi rhandza misava kumbe swilo swa misava, rirhandzu ra Xikwembu a ri kona eka n’wina.”

¹¹³ Wa vona, u ngaka—u ngaka u nga vuli leswaku rock-and-roll i ya misava... kumbe i ya Xikwembu. Rock-and-roll i ya misava. Wun’wana ni wun’wana wa mincino leyi ni ku hlutiwa... swilo swo nyengetsa swa thyaka, kumbexani, i swa misava. Hinkwaswo i swa misava.

Mi ngaka mi nga vuli leswaku misisi yo bobawa eka wansati i ya Xikwembu. Bibele yi ri a swi tano, swingaleswi i thyaka ra le misaveni. Nakona loko mi rhandza vala rin’we ra swa le misaveni, rirhandzu ra Xikwembu a ri kona eka n’wina. Wa vona?

¹¹⁴ Xana i yini sweswo? Hi swona, xana i yini lexi xi swi kokaka? I nchumu wun’wana ehansi endzeni wu nga eku kokeni. Munhu wa le ndzeni u le ku kokeni ka switirhisiwa swa wena ku suka ehandle, swi rhelela ku hundza hi moyo, swi nghena eka munhu wa le ndzeni. Kutani loko kuri ku munhu wa le ndzeni u rhandza

misava, u file. A ndzi na mhaka ni hilaha a nga totiwa ha kona, wu *kwala* ehandle, ni hilaha wu lulameke ha kona *kwala* handle; *kwala* ndzeni wu file. “Kungaku loko munhu a rhandza misava kumbe swilo swa misava, rirhandzu ra Xikwembu a ri kona eka yena,” swi nga ri na mhaka hilaha a nga mukhongeri ha kona.

¹¹⁵ Nhluto wa ntiyiso, hi ndlela yaleyo, wu ta—wu ta veka swilo sweswo hinkwaswo ehandle nakona wu nga tisi nchumu kambe kuva na ntiyiso wa Xikwembu, Rito, eka munhu wa le ndzeni wa ntiyiso.

¹¹⁶ Va tani hi Esau, kuva kahle ehandle. Esau a ri na vukhongeri ehandle. Kutani loko swi ta eka vukhongeri, a swi tikomba a ri na vukhongeri ku tlula leswi Yakob a ri xiswona. A tikomba a ri wanuna wo antswa ku tlula loyi Yakob a ri yena, kambe vundzeni bya yena, leswi a ri swona. A ri mukhongeri hi le handle, kambe miehleketo ya yena a yi nga hlutekangi. A nga ehleketa kahle hi mfanelo ya ku tswariwa. A—a nga ehleketi leswaku Xikwembu, mfanelo ya ku tswariwa a yi vula tani hilaha Xikwembu xi nge te yi vula ha kona. Hi yaloye, a nge, “Ndzi twa ndlala, xana hi kwipi ku hambana loku ku endliwaka mayelana na mfanelo ya ku tswariwa leyi ya khale? U nga yi teka loko u yi lava.” Oho, mina! Wa vona?

“Ndza ya ekerekeni; ndzi kahle kukotisa leswi na wena u nga xiswona. Dinominexini ya mina yi tani hi... Hikokwalaho ka yini, hi yin’wana ya letikulu swinene emisaveni. Manana wa mina u nghena eka yona. Tatana wa mina u nghena eka yona. Hinkwaswo *leswi*, *sweswo*, na *leswin’wana*. Mufundhisi wa mina u dyondzekile; u na *swingere-ngere*.” Sweswo swi n’wi veka le kule swonghasi na Xikwembu. Wolowo a hi nhluto wa wanuna loyi a ehleketa katu.

Loko wu nga va wona, xana Petro a ta va leswi a ri xiswona hi mukhuva wihi, kuri hi ku a nga swikoti ni ku sayina vito ra yena? Kambe a pakile Nhluto wa wanuna loyi a ehleketa katu. Xiyisisani. Oho, mina!

¹¹⁷ Esau a ehleketa leswaku mfanelo leyi ya ku tswariwa a yi nga vuli swona leswi Xikwembu a xi ku yi vula swona. Sweswo a ku ri ku hambana exikarhi ka Vutomi na rifu. Swingaleswi, kukotisa Evha na kukotisa Yudas, va xavisele timfanelo ta vona ta ku tswariwa hikwalaho ka ku enetisiwa ka nantswo wa vutivi bya nhluvuko. Sweswo hi leswi Evha a xaviseleku swona timfanelo ta yena ta ku tswariwa. U ti xavisele hikwalaho ka nantswo wuntsongo wa sayense, nantswo wuntsongo wa vutivi bya le misaveni, kereke nyana yo antswa, ntlawa nyana wo antswa wa vanhu, a swi ta vitanisiwa xisweswo namunttha. Wa vona?

Kutani Yudas u xavisele timfanelo ta yena ta ku tswariwa hikwalaho ka makume nharhu wa swiphemu swa silivhere, ni ku endla tidolara ti nga ri tingani to tatisa. “Nhlengeletano ya mina yi nga ndzi hakela ku antswa kona kwala, swingaleswi

ndzi ta chumayela kwala.” Wa vona? “Swingaleswi, loko ndzi va muchumayeri, hi swona . . .”

¹¹⁸ Va teri, “Makwerhu Branham, ha pfumela leswaku Hungu leri i Ntiyiso, kambe hi ngaka hi nga Ri amukeli. Loko hi nga ri amukela, hikokwalaho ka yini, xana hi kwihi laha hi nga chumayelaka kona?” Haa! Misava, boti, sweswo i pharishi. Kunene-nene. “Hi swona, ku hava na u’nwé wa vamakwerhu loyi a nga ta ndzi seketela.” A ndzi—a ndzi le ku swi languteleni leswaku na un’we wa vamakwerhu a ndzi seketela. Ndzi langutele Yesu Kreste leswaku a ndzi seketela, hikuva U yimile hi Rona. Hi Yena Loyi a Ri vuleke.

¹¹⁹ Nakona loko mfanelo ya ku tswariwa ya ntiyiso, Ngati, yi hluteriwe ehandle hi Rito, kutani vudyoho hinkwabyo, na misava, na kereke, na tidinominexini, na vusekitharizimu, swi siyiwa ehandle. Dyondzo, nhluvuko, kereke, dinominexini, mafambiselo, vudyoho bya mixaka hinkwayo byi siyiwa ehandle loko wanuna loyi a ehleketaku a teka Nhluto wa wanuna loyi a ehleketaku, eka ku ringanyeta ka Xikwembu.

¹²⁰ Ku hava nchumu lowu wu salaka eka swona loko wanuna a koka vutomi bya yena—yena ku hundza eka Nhluto wa Xikwembu; xiyisisani, laha vutomi bya n’wina a byi hlanganile hi vudyoho, hikuva mi “tswariwile evudyohweni, mi vumbiwile hi ku homboloka, mi ta emisaveni mi ri karhi mi vulavula mavunwa.”

Ndzi ya eku vuleni ka swin’wana, tani hilaha Makwerhu McCullough a tshamela ku swi vula. Ndzi yingiseni.

¹²¹ Loko mi ta emisaveni leyi, mi tswariwile evudyohweni. A mi kalanga mi ta hambi kuri hi nkateko wo tilwela. Mi “tswariwile evudyohweni, mi vumbiwile hi ku homboloka, mi ta emisaveni mi ri karhi mi vulavula mavunwa,” endzeni ka moyo wa n’wina, ku navela ka xidyoho, murhandzi wa xidyoho hikuva mi tswariwile evudyohweni. A mi nga ri na nkateko.

Kambe ehansi endzeni ka n’wina, kun’wana, hilaha mi taka, a kuri na swin’wana endzeni leswi swi sunguleke ku koka. Loko a mi swi tivile, a kuri nchumu wun’wana lowu wu mi byeleke leswaku ku na Xikwembu kun’wana; nakona mi hlayile Rito ra Xona. Swingaleswi mi tekile kereke, mi teka mavonelo ya vona loko mi tava mi byeriwile ku antswa, kutani a mi kalanga mi tirhisa Nhluto wa wanuna loyi a ehleketaku. Kambe loko mi tirhisa Nhluto wa Xikwembu, lowu wu nga Nhluto wa wanuna loyi a ehleketa, hikuva, “Minhluto leyin’wana hinkwayo yi ta hundza, kambe wa Mina wu ngaka wu nga hundzi.” Nakona loko mi teka Nhluto wa Xikwembu na ku koka vutomi bya n’wina, ku navela ka n’wina; loko mi koka ku navela ka n’wina ku hundza eka Nhluto wa Xikwembu, Nhluto wa wanuna loyi a ehleketaku, a ku sali nchumu handle ka Moya lowo Kwetsima.

¹²² Sweswi, loko mi lava vumbhoni bya Moya lowo Kwetsima, hi byebyo kwalano. Loko munhu loyi wa le ndzeni ka n'wina a ta fola na Rito ra Xikwembu, hi ku xixima hinkwako, swi ta kombisa leswaku mi kokile vutomi bya n'wina ku hundza eka Nhluto wa wanuna loyi a ehleketa, Nhluto wa Xikwembu.

¹²³ Xiyisisani, xana wolowo i Nhluto wa Xikwembu? U teri, "Hi hlantswiwile hi mati ya Rito."

Kutani loko Xikwembu xi tava xi nyikile Adam na Evha Nhluto, entangeni wa Eden, Xi teri, "Mi nga tshuki mi kokerile na xin'we xa *leswi* kwalano." Kambe Sathana u boxile mbhovo eka Wona, a ku, "Oho, i swintsongo nyana, swi nge vavi." Thonsi rin'we ntsena, ku hundza, swi tekile sweswo ntsena ku nghenisa rifu eka rixaka ra vanhu.

¹²⁴ Swi teka sweswo ntsena, nantswo wun'we wa nikhothini, kutani va fambile.

¹²⁵ Ku hava nchumu lowu wu saleke handle ka Moya lowo Kwetsima.

¹²⁶ Swingaleswi sweswo swi kombisa leswaku endzeni ka n'wina ku na mbewu leyi hlawuleriweke emahlwени ehansi endzeni ka n'wina, leyi yi mi endlaka leswaku mi twa ndlala ya Xikwembu. "Hinkwavo lava Tatana a Ndzi nyikeke vona, u Ndzi nyikile ku tava kutsula; va file na Mina eXihambanweni; va pfukile na Mina eku pfuxiweni; hinkwavo lava A Ndzi nyikeke vona, va ta ta eka Mina. Va ta vekiwa eMirini, laha nkondzo, voko, nhompfu, nomo, hambi ku ngava kuri yini; swi ta vekiwa Kwalahaya. Kutani va ta ta eka Mina hi tinguva ta vona." Oho, mina!

¹²⁷ Hi wolowo nhluto wa xiviri wa vudyoho hinkwabyo bya misava, kutani rirhandzu ra swa misava ri file, nakona munhu loyi wa le ndzeni u le ku kokeni ka nchumu wun'we ntsena. Hi lowu, mi nga... Tsundzukani! Mi nga wu rivali. Hinkwenu n'wina mi nga le handle eka tapingho, vekani leswi emiehleketaeni ya n'wina. Loko wanuna loyi a ehleketa, a sungula ku ehleketa hi Loyi a nga taya yima emahlwени ka yena, ni leswi Rito ra Xikwembu ri nga swona; loko a sungula ku ehleketa, kutani loko a koka ku hundza Sweswo, ku hava nchumu lowu wu nga fikaka eka swona handle ka Moya lowo Kwetsima.

I yini xana? I mbewu, Rito ra mbewu ku sukela emasunguleni, leswaku a mi ri eka Xikwembu emasunguleni, mi yimile kwala mi ri karhi mi koka Vutomi bya mbewu. Mbewu yi le mibilwini ya n'wina, hi ku hlawuleriwa emahlwени. Haleluya! I khale mbewu yi ri lahaya, hi vutivi bya le mahlweni bya Xikwembu, yi hlawuleriwe emahlwени. Kutani loko yi koka, yi ngaka yi nga koki hi nchumu wun'wana handle ka Rito.

Swingaleswi i nantswo wa wanuna loyi a ehleketa, wanuna wo lulama, wanuna wo kwetsima loyi a vonaka Bibele, leswaku Yesu Kreste wa ha fana na tolo na hilaha ku nga heriki.

Xana i yini lexi taka endzhawini yaleyo le hansi? I Rito lero, leri ri nga embilwini. “Ndzi fihlile Rito ra Wena embilwini ya mina, leswaku ndzi nga tshuki ndzi Ku dyohela.”

Xana i yini, loko yi koka eRitweni? Ku na nchumu wun’we ntsena lowu wu nga hundzaka eka Rito; wolowo i Moya lowo Kwetsima. Hi wona nchumu wun’we ntsena lowu nga hundzaka eka Rito, i Moya lowo Kwetsima. Kutani Nhluto wa wanuna loyi a ehleketaku wu nyika nantswo eka wanuna wo kwetsima.

¹²⁸ Kutani, u ringile swilo swa le Tilweni; u na Rito ra Xikwembu embilwini ya yena. U Ri vona ri vonakarisiwa emahlweni ka yena, nakona munhu wa le ndzeni ka yena u phutseriwile eka Rona, kutani misava na swilo hinkwaswo swi file ematlhelo ka yena.

¹²⁹ I Nhluto wa wanuna loyi a ehleketaku, wa vukhongeri; nakona sweswi ndzi le ku ehleketeni hi ku hluta vukhongeri. Loko Nhluto wa wanuna loyi a ehleketaku wu nyika nantswo wa wanuna wo kwetsima, wa vona, Wu enetisa nantswo wa yena. Wa swi vona leswaku Yesu Kreste wa ha fana na tolo, namuntlha, ni hilaha ku nga heriki. Hi sweswo. Ku N’wi vona kwala mahlweni ka hina, a endla swilo leswi fanaka na leswi Yena a swi endleke; swi enetisa nantswo wa wanuna wo kwetsima, ku ehleketa ka yena.

¹³⁰ Wa switiva kuri u hundzile eku feni a nghena eVuton’wini. Kutani u rhandza, nakona—nakona—nakona swi rhandza kuva misava...kuva swi tiyisisiwa, kutani u lava leswaku Rito ri tiyisisiwa ni ku tiyisiseka. Eka nguva yin’wana na yin’wana wa Ri yimela, hikuva hi yena wanuna wo kwetsima nakona u na ku navela ko vona Xikwembu. Lavan’wana vo lava ntsena ku joyina kereke. Wanuna loyi u lava ku vona Xikwembu. A nga Xi voni eka nyandza ya mikhuva. A nga Xi voni eka tiogene ta tiphayiphi ta kahle letikulu, kumbe tikathedirali, ni swihambano swo ya ehenhla, kumbe swidyondzeki leswi swi tipholicheke kahle na tikholoro ta vona leti ti hundzuluxeriweke endzhaku. A nga N’wi voni eka ntivo- vukhongeri ni le ka mutivi wa vukhongeri. U N’wi vona eka ku tiyisisiwa ka Rito ra Yena.

Ndzi N’wi vonile emindzilweni ya vulanguteri
bya Rona.

Mahlo ya nga ya vonile ku kwetsima ka ku vuya
ka Hosi;
Yi le ku kandziyeleni ka ndzhawu laha
madiriva ya vukarhi ya hlayisiweke kona;
Yi ntshuxile rihatii ra leswi taka swo chavisa hi
tlharhi ra Yona lero chavisa ro hatlisa;
Ntiyiso wa Yona wu ya emahlweni na ku
macha. (Wu taya emahlweni, ku ya fika
emakumu. Ina, nkulukumba.)

¹³¹ Wa swi vona leswi ndzi swi vulaka? Nhluto, wanuna... Kumbe, Nhluto wa wanuna loyi a ehleketaka; wanuna loyi a lavaka ku yima eVukoneni bya Xikwembu. Xana hi wihi Nhluto wa Xikwembu? Rito ra Xona. “Siku u dyaka, hi siku lero u ta fa.” U ngavi na mhaka na leswi swi humelelaka hala handle; u nga ri tluli Rito rero. “Ku hlantswiwa hi mamati ya Rito,” Nhluto wa wanuna loyi a ehleketaku. Ku nga ri dinominexini, ku nga ri mukhuva, ku nga ri kereke, ku nga ri khathedirali; kambe Nhluto wa wanuna loyi a ehleketaku, hikuva u ta avanyisiwa hi Rito. Wanuna loyi a ehleketaku u ta swi ehleketa sweswo. Wanuna wa xiphukuphuku, kumbe nantswo wa misava, wu ta teka xin’wana na xin’wana, xo siva. Hikokwalaho ka yini u siva loko kuri na Rin’we ra xiviri?

¹³² Ehleketani, ehleketani nyana hi swona. Wansati loyi a vulavulaka hi tindzimi, na misisi yo bobawa na phodo, kutani kereke yi khomelela eka swona, leswaku hi byona vumbhoni bya Moya lowo Kwetsima.

¹³³ Kumbe muchumayeri ku suka eka seminari kumbe xikolo xa Bibele, loyi a tirhisaka vunharhu bya nkhuvulo, kumbe ku xavelela hi Rito, eka mukhuva wo karhi kumbe dinominexini. Xana i Nhluto wa wanuna loyi a ehleketaku walowo? Ku ngari hi ndlela leyi ndzi swi vonisaka xiswona, boti. I wanuna wa xiphukuphuku loyi a kokaka hi sweswo. Hi swona sweswo. Xana ma swi anakanya sweswo? Ematshan’wini yo tirhisa Rito ra Xikwembu tani hi Nhluto wa munhu wa le ndzeni ka yena; u pfumelela mukhuva lowu wa khale na dinominexini ku paketelana ehenhla ka yena kukotisa sweswo, ematshan’wini yo teka Rito ra Xikwembu tani hi Nhluto. Kutani u va loyi a nyameke, ni ku va pfumelela ku susumetela tidyondzo ta munhu endzeni ka yena, ku endla swilo, “ku kanganyisa na vona Vahlawuriwa,” ni ku honisa Rito.

Loko, a nga koka eka munhu wa le ndzeni ka yena, loko kuri na nchumu wo koka hi wona endzeni. Kambe loko mbewu leyi yi hlawuleriweke emahlweni... Mi nga hundziwi hi leswi. Loko mbewu leyi yi hlawuleriweke emahlweni yi nga ri kona endzeni, wu ngaka wu nga koki hi kona Lahaya, hikuva wu tava wu kokela ku navela ka wona.

¹³⁴ Loko wanuna loyi a dzahaku a lava nantswo wa wanuna loyi a dzahaku, nakona loko kuruku u khomile rинhi...ndzi ku, “Mama rintiho ra wena,” kutani a yima kwalahaya a ri karhi a mama rintiho ra yena. [Makwerhu Branham a mama rintiho ra yena, ku kombisa—Muhleri.]

¹³⁵ Hikokwalaho ka yini, u ta ku, “Sweswo i vuphukuphuku.” Hikokwalaho ka yini? Nantswo wa yena i wa nikhothini. Swingaleswi, a hi wanuna loyi a ehleketaku. Wa vona? Kambe u ri, “Hi swona, a ndzi pfumeli, ndzi ngaka ndzi nga ringi nchumu.

Ndzi lava ku ringa...Ndzi lava ku ringa fole. A ndzi ringi nchumu."

¹³⁶ N'wi nyikeni phekisi ya mpahla ni ku n'wi pfumelela a yi mama. Wa vona? I ntiyiso, n'wi pfumeleli a yi mama. A ku, "A ndzi ringi nchumu." U yi mamela yini, loko swi ri tano? U na ku navela ko ringa nikhothini.

Nakona loko mi ri eku mameni ka mukhuva wa kereke, nakona n'wina vavasati ma ha ambala misisi yo bobiwa, swikandza swo pendiwa, na kuva lava va ambaleke swa vugangu; kutani n'wina vavanuna mi va langutisa, na swilo leswin'wana hinkwaswo, na kuya emahlweni hi ndlela leyi mi endlaka ha kona. I yini xana? Xana i yini lexi xi nga kwalahaya? Misava ya hari kwalahaya, nakona mi na nantswo. Mi koka eka wona hikwalaho ka nantswo.

¹³⁷ "Ndzi ya ekerekeni *leyi*; a va si tshama va wu vula nchumu wolowo. A va vuli nchumu mayelana na *leswi*, na nchumu mayelana na *sweswo*. Ku hava na xin'we xa swilo leswi xi tisiwaka emahlweni. Muchumayeri wa hina u na miehleketo yo anama kuflula sweswo. A hi swivuli swilo swo tani hi sweswo." I yini xana? U na nantswo wa swa le misaveni leswi u mammelaka swona. Hi swona!

¹³⁸ Kambe wansati loyi a ehleketaku a ngaka a nga wu teki nchumu wa muxaka wolowo. Wa switiva leswaku u fanele ku kwetsima. Nakona nchumu wun'we ntsena lowu mi nga wu kokaka hi Rito ra Xikwembu i Moya, Matimba ya ku pfuxa ku endla Rito hi Roxe, lawa ya nga eka n'wina, ya hanyela ku vonakarisa Yesu Kreste eka nguva leyi mi hanyaka eka yona. Haleluya! Boti, loko walowo wu nga ri Ntiyiso, a ndzi switivi leswaku Ntiyiso hi wihi. Ndzi lahlekeriwile hi miehleketo loko walowo wu nga ri Ntiyiso.

¹³⁹ I Rito hi Roxe embilwini ya n'wina, ri hlawuleriwile emahlweni kwalahaya, leri ri nga eku kokeni. Kutani wu phela misava yaleyo ehandle; a wu yi lavi. Kambe loko wu fika kwala eRitweni, wu sungula ku koka. Nakona loko wu koka eRitweni, a ku ngavi nchumu wun'wana handle ka Moya lowo Kwetsima ku pfuxa Rito rero.

¹⁴⁰ Kutani ya loyi a ehleketaku, Nhluto wa wanuna wa vukhongeri i Rito, nakona wu enetisa nantswo wo kwetsima lowu wu nga embilwini ya yena; nhluto wa wanuna loyi a ehleketaku, nantswo wa wanuna wo kwetsima. Oho, mina, leswi hi nga endzeni ka swona!

¹⁴¹ Ematshan'wini ya ku tirhisa Nhluto wa Xikwembu eka munhu wa le ndzeni ka yena, u le ku pfumeleleni ka Sathana kuva a n'wi kanganyisa hi dinominexini yo karhi kumbe mukhuva, ntsena tani hilaha tikhamphani ta fole ti nga eku mi kanganyiseni n'wina vanhu lava va dzahaka tisigarete. Mi kuma ntsena swirho swo tala, nakona hi sweswo ntsena.

Oho, ndzi pfumeleleni ndzi pfala eka timinetse tintsongo, hi ku vula leswi.

¹⁴² Laodekiya wa bofu! Xana hi tava mabofu kufikela kwihi! Laodekiya wa bofu, bofu leri ri rhangelaka eka nguva leyi, ehansi ka vutiendlisi bya vunwa, ehansi ka mikhuva ya vunwa, ehansi ka tidyondzo leti nga vunwa, ehansi ka dinominexini leyi nga vunwa, ehansi ka tibuku ta mikhuva leti nga vunwa. Oho, Laodekiya wa bofu, loyi a rhangeleke mabofu, hinkwenu mi kongomile egojini!

¹⁴³ Cinca nhluto wa wena vusiku lebyi, muchumayeri. U nga kokeli nikhothini yaleyo ya xidinominexini eka mafambiselo ya wena, ya tidyondzo ta kereke na mikhuva, leyi Yesu a nga teri, “Un’wana ni un’wana loyi a nga ta engetela rito rin’we eka Yona, kumbe ku hunguta Rito rin’we eka Yona.” Loko u byela nhlengleletano ya wena leswaku swi lulamile kuva vavasati va endla *sweswo*, na kuva vavanuna valava va endla *sweswo*, na swilo leswi hinkwaswo, *sweswo na leswin’wana*; ntsena loko va tshama entiyisweni wa *leswi* ni ku endla *sweswo*, ni ku hlayisa mikhuva leyi na swin’wana, xana a swi ku khomisi tingana?

“Vafarisi va mabofu,” ku vule Yesu.

¹⁴⁴ Kutani tani hilaha Yesu a huweleleke, “Vafarisi va mabofu,” Moya lowo Kwetsima embilwini ya mina wa huwelela vusiku lebyi, “Laodekiya wa bofu! I kangani laha Xikwembu a xi tava xi ku nyikile mpfxelelo! Kambe sweswi nkarhi wa wena wu fikile; wu hundzeriwile sweswi. Xana u swi endlisile ku yini ku hleka ni ku endla mafenza hi vanhu lava Xikwembu xi ku rhumeleke vona! Kambe sweswi nkarhi wa wena wu fikile. Oho, United States, United States, hilaha Xikwembu a xi tava xi ku wungerile tani hi laha—laha mbhaha wu endlaka swikukwani swa wona, kambe a wu nga ta swikota.” Sweswi Rito leri ri le ku fambeni ku suka eribuweni kuya eribuweni, ku suka en’walungu kuya edzongeni, ni le vuveni kuya evupela-dyambu. Hilaha Xikwembu a xi tava xi ku wungerile ha kona, kambe a wu nga ta swikota! Sweswi nkarhi wa wena wu fikile.

¹⁴⁵ Matiko ya fayaleleka. Misava yi le ku mbindzimukeni. Khume ntlhanu wa madzana ya timayili ta nhulu ya yona, nharhu kumbe mune wa madzana ya timayili hi ku anama, yi ta mbombomela, dzana...kumbexani makume mune wa timayili ehansi kuya eka vuandlalo lebyikulu bya maribye ehandle lahaya, rin’wana ra masiku lawa, nakona magandlati ya ta bulukela ehandle ku ya etikweni ra Kentucky. Kutani loko ya endla tano, ya ta ninginisa misava swonghasi lero nchumu wun’wana ni wun’wana ehenhla ka yona wu ta ninginika wu wa.

¹⁴⁶ Oho, ndzi fihle eRibyeni ra tinguva! Xikwembu, ndzi pfumeleli, ndzi pfumeleli. Huhutela ehenhla ka mina, Hosi. Moya wa Xikwembu lexi xi hanyaka, huhutela eka mina. Ndzi pfumeleli ndzi teka Nhluto wa Xikwembu ni ku hanya ehansi

ka Wona, Hosi. Ndzi pfumeleli ndzi hefemula moya wo tengwa Moya lowo Kwetsima endzeni ka mahawu ya mina, eka munhu wa le ndzeni ka mina siku rin'wana ni rin'wana, leswaku ndzi nga Ku dyoheli, O Hosi. Huhutela eka mina, Moya lowo Kwetsima, huhutela eka mina! Ndzi . . .

¹⁴⁷ Ndzi pfumeleli ndzi byala Rito ra Xikwembu embilwini ya mina, ni ku veka xikongomelo kwalahaya leswaku ndzi nga hundzulukeli evokweni ra xinene kumbe evokweni ra ximatsi, ekule na Rona, kambe ndzi ta hanya hi ntiyiso eka Rona hi masiku hinkwawo ya vutomi bya mina. O Xikwembu Tatana, kutani rhumela ehansi Moya lowo Kwetsima wa Vutomi ehenhla ka mina, ku pfuxa Marito yalawa eka mina, leswaku ndzi ta vonakarisa Yesu Kreste emahlweni ka lava va nga emahlweni ka mina, eku languteleni ka kuva swi humelela. Xexo i xikhongelo xa mina.

¹⁴⁸ Oho, mina! Xiyisisani hilaha va endlaka ha kona namuntlha etikerekene teto. Va mama vanhu hi minhluto liya ya xidinominexini, ku nghena eka huvo yo hlanganisa tikereke. Hikokwalaho ka yini? Hikokwalaho ka yini? Hikuva swi va nyika ku navela ka timbilu ta vona, vandla. Va ni nantswo wa vandla. Va ta swi endla.

¹⁴⁹ Nkarhi hinkwawo loko Xikwembu xi va rhumele mpfuxelelo, kutani, vona, va endlile yini xana? Va wu kondleterile. A hi swona xana? Swingaleswi va na nhluto wa muxaka wa vona, hikuva va ni nantswo lowukulu. Nakona sweswi Xikwembu xi ya eku va nyikeni ka ku navela nantswo wa vona. Xi ya eku va nyikeni . . . Va le ku va mameleli endzeni ka huvo yo hlanganisa tikereke, kutani va tikumela nantswo wa vona wa xivandla. Va na wona wu nga eku teni.

¹⁵⁰ Oho, kereke ya Laodekiya, u nga kanganyisiwi eka nguva ley, hi vukanganyisi bya vona. Oho, Pentekosta, wena loyi a ngheneke eka Laodekiya, wena loyi a nga xiave xa Laodekiya, kereke ley yi feke; hi Methodist, Baptist, na Presbyterian, nghohe ya vugandzeri bya hava ntsena. Kambe n'wina Mapentekostal lava va nga ha yaka emahlweni va ku "amen"; lava va nga chayaka vuyimbeleri byo tala ehenhla eka platifomo, ni kuva na vavasati va misisi yo bobiwa va ri karhi va cina endhawini hinkwayo, ni ku tama va ha pfumela eka ku horisa ka Matimba; i kangani laha Xikwembu a xi tava xi mi tekile, kambe mi tekile nhluto wun'wana, nhluto wa xidinominexini. I kangani laha Xikwembu a xi tava xi mi tekile!

¹⁵¹ Hilaha swi kanganyisaka ha kona! Matewu 24:24, Yesu u virile leswaku . . . "Swi ta hambukisa na vona Vahlawuriwa loko swi nga koteka." Hilaha mi nga ekusuhi ha kona, ntsena kukotisa Evha, ku siya xin'we kumbe swilo nyana swimbirhi leswi a mi nga ta swi amukela, hikuva mi kondleteriwile nakona mi ngaka mi nga Swi amukeli. Swi teka sweswo ntsena. Ntsena swi nga ha

no teka nchumu hinkwawo, “Kuva na nandzu eka wun’we, i ku va ni nandzu eka hinkwayo.” Oho!

¹⁵² Pentekosta, Pentekosta, hundzisa ku ehleketa ka wena eka Nhluto wa Xikwembu, ku ngari milorho ya wena ya xidinominexini, kutani u ta huma na nantswo wa wanuna wo kwetsima, nkhuvulo wa ntiyiso wa Moya lowo Kwetsima.

¹⁵³ Xana mi nga n’wi anakanya wanuna loyi a pfumelelaka nsati wa yena ku tsemeta misisi ya yena, ku ambala leswo koma, kumbe ku ambala swileke, ni ku vula leswaku u ta hi Nhluto wa wanuna loyi a ehleketa? Xana mi nga swi anakanya hi wanuna loyi a endlaka nchumu wo kota wolowo?

¹⁵⁴ Xana mi nga swi anakanya hi muchumayeri loyi a yimeke ephulpitini, hikuva a hakeriwa kahle hi nhlengeletano leyi yi n’wi bambetelaka enhlaneni, yi n’wi vitana, “Dokodela, Makwenu, Mufundhisi,” ni ku n’wi humesa a ya eka minxaka hinkwayo ya minkhuvo laha va hlanganaka eku hlambeni, na leswin’wana hinkwaswo, a tibichini; xana mi nga anakanya hi wanuna loyi a koxaka leswaku u huma eka Nhluto wa wanuna loyi a ehleketa?

¹⁵⁵ Kutani van’wana va vavasati va lava eka platifomo, na tirhoko ta vona ehenhla ka matsolo ya vona, ni ku tsemiwa ti manya swonghasi ni ku kombisa xivumbeko xin’wana ni xin’wana, ku famba kun’wana ni kun’wana loku va ku endlaka, nakona swiambalo swa vona swa le ndzeni swi ri karhi swi tikomba etirhokweni ta vona; swi bihile kukotisa ku ambala leswo koma, tibikini, kumbe nchumu wun’wana ni wun’wana. N’wina Mapentekostal, mabofu, vachumayeri va Laodekiya, xana Xikwembu xi ta mi xanisekela nkarhi wo tani hi kwihi, a ndzi switivi. Vonani... Xikwembu a xi ve na tintswalo eka ya n’wina—ya n’wina mahlo lawa ya nga voniki. Xi na murhi wa mahlo vusiku lebyi, ku mi pfula mahlo, leswaku mi ta vona.

¹⁵⁶ Tani hilaha ndzi vuleke mixo lowu, hi le ka nguva yo vona, ehenhla. A ka hari na tindzawulo tin’wana ehenhla ka sweswo, leti mi nga humelaka ehandle, ku titiva. Wena, ku suka enhompfini ya wena, u nga ha nuhwetela; kusuka enon’wemi wa wena, u nga ha vulavula; ku suka emavokweni ya wena; u nga ha khumbha ni ku fikelela; na minkondzo ya wena, na kuya emahlweni; kambe u ngaka u nga hundzeli ekule na mahlo ya wena.

¹⁵⁷ Malakiya 4 u fikile; ku vona! “Nakona ku tava na ku Vonakala hi nkarhi wa na madyambu.” Oho, famba eku Vonakaleni!

Hi ta famba eku Vonakaleni, ku Vonakala ko
saseka,
Loku ku yaka laha mathonsi ya mberha ya
tintswalo yi hatimaka;

Vangama ku rhendzeleka hi mina hinkwako na
nhlekanhi na na vusiku,
Yesu, a nga Rito, ku Vonakala ka misava.

¹⁵⁸ Ina, nkulukumba. Hundza eka Wona, oho, boti, kutani u ta huma na nantswo wa wanuna wo kwetsima, na Moya lowo Kwetsima.

¹⁵⁹ Oho, wansati, hundzisa ntsena maehleketelelo ya wena ya ximanguva lawa ya rhoko. Hundzisa maehleketelelo ya wena ya ximanguva lawa, loko u nga se ya ehandle exitarateni emahlweni ka vavanuna; n'wina vavasati lavantshwa, vavasati va khale, loko mi nga se ya ehandle exitarateni hi swiambalo swa n'wina leswi swo manya, mi kumukukile ehandle endzhaku ni le mahlweni. A ndzi musandzi. Ndzi makwenu wa n'wina. Ndzi yimile exikarhi ka lava va hanyaka ni lava va nga fa, ni ku anakanya leswi ndzi swi vulaka. Loko u nga si humela ehandle, nakona u switiva leswaku miri wa wena i xileriso xo kwetsima, kumbe xihlawulekiso xo kwetsima lexi Xikwembu xi ku nyikeke xona; loko u nga se nghena exitarateni, u ambarile kukotisa sweswo, hundzisa miehleketo ya wena eka Nhluto wa wansati loyi a ehleketa. Nakona yi pfumeleli ku tsundzuka, leswaku, "Un'wana na un'wana loyi a ku langutaka hi ku ku navela, u endlile vuoswi na yena." Tsundzuka sweswo, sesi.

¹⁶⁰ Nakambe, boti, loko u nga se hundzuluxa nhloko ya wena ku n'wi langutisa, eku languteni ka vumbirhi, hundzisa miehleketo ya wena eka Nhluto wa wanuna loyi a ehleketa. U ta huma na nantswo wa wanuna wo kwetsima, wa vona, wa ku endlile leswi swi lulameke.

¹⁶¹ Xiyisisani, loko mi hundzisa miehleketo ya n'wina eka Nhluto wa wansati loyi a ehleketa, mi ta huma na rhoko ya wansati wo kwetsima. Sweswo swi lulamile. U ta huma, boti, na ku languteka ka wanuna wo kwetsima. Sweswi, sweswo i nchumu wun'we ntsena.

Hinkwaswo leswi mi swi endlaka, swi hundziseni eka Nhluto wa Rito ra Xikwembu, mi vona loko swi lulamile kumbe swi hoxekile.

¹⁶² U ta huma ni rhoko ya wansati wo kwetsima, na misisi yo leha, u ambale hi ndlela leyinene; wo miyela, moya wa ku titsongahata; ku nga ri wo tikurisa ni ku holova, na ku lwa na ku ya emahlweni. "Wo rhula, moya wo olova, lowu wu nga rifuwo lerikulu ku suka eka Xikwembu." Bibele yi vula tano.

Sweswi ndzi lava ku mi vutisa swin'wana, ehandle ematikweni. Hi ya eku pfaleni eka timinetse tintsongo.

¹⁶³ Hinkwerhu ka hina sweswi, vusiku lebyi, a hi kambisiseni ku navela ka hina, kutani mi ta swi vona leswaku i nhluto wa muxaka muni lowu a mi koka eka wona. A hi kambisiseni, un'wana na un'wana wa hina, kwala ni le handle ku tsemakanya tiko. Kambisisani ku navela ka n'wina, leswi kunene mi

swi lavaka evuton'wini. Kambisisani leswi mi swi lwelaka. Kambisisani leswi mi nga tela swona. Kambisisani leswi mi yaka ekerekeni hikwalaho ka swona. I yini leswi swi mi endlaka... Swi kahle kuya ekerekeni, kambe mi nga yi ekerekeni ntsena; sweswo swi ngaka swi nga mi ponisi. Wa vona? Kambisisani ntsena timinetse tintsongo, mi ku, "Xana xikongomelo xa mina... Xana—xana i nhluto wa muxaka muni lowu ndzi kokaka hi wona, hambi swi ri tano?"

Kutani loko mi nga ta tiyisela eRitweni ra Xikwembu, nakona munhu wa le ndzeni wa n'wina a nga swi endli, kutani ku na nchumu lowu wu nga hoxeka; hikuva swi kombisa nantswo wa n'wina, leswaku vutomi... i muxaka muni wa vutomi lebyi nga eka n'wina. Loko kuri byo kwetsima, bya vukheta, byo xiximeka, byi ta humela ehandle hi ndlela yaleyo. Loko byi nga ri tano, mi na nantswo wun'wana eka n'wina lowu mi kokaka eka wona. Kunene sweswo hi swona.

Nakona loko kuruku nantswo wa kona wu ri Rito ra Xikwembu ni ku rhandza ka Xikwembu, kutani ma switiva leswi swi nga endzeni ka n'wina, leswi swi kokaka nantswo. Swi kombisa leswaku mi xiave xa Rito. Rito rero ri le ndzeni ka n'wina, ri zaha kusuka eRitweni.

¹⁶⁴ Xana Ri zaha yini? Ri zaha eRitweni, hikuva mi xiave xa Miri wa Kreste wa nguva leyi. Kutani loko Rito rero ri ri endzeni ka n'wina, Ri ta koka ntsena eRitweni, Moya lowu wu wu pfuxaka Rito rero wu le ndzeni ka n'wina. Rito ri ri roxe ntsena ri ngaka ri nga hanyi. Xexo hi xona xivangelo, "Hinkwaswo leswi Ndzi swi nyikiweke hi Tatana swi ta ta ka Mina; kutaku loko Ndzi tava ndzi tlakusiwile, Ndzi ta kokela vanhu hinkwavo ka Mina." Wa vona? Wa vona, "Tatana," xiave xa Miri wa Kreste lexi xi nga emisaveni, lexi hlawuleriweke emahlweni, xi vekiwa endzeni ka mbilu.

¹⁶⁵ Munhu un'wana na un'wana loyi a nga Mukreste wa xiviri, loyi a tsvariweke ra vumbirhi namuntlha, wa switiva, ku sukela loko a hari xihlangi, kumbe xinhwenyetani, kumbexani, leswaku a kuri na nchumu wun'wana endzeni ka wena lowu wu nga na ndlala ya Xikwembu. Nakona u ringetile ku joyina tikereke na leswin'wana hinkwaswo; a swi nga ta tirha. A ku ri yini xana? A kuri Rito rero. A wu ri eku hlotaneni na Nhluto. Nakona siku rin'wana Wu hatimile emahlweni ka wena; u vonile Yesu Kreste loyi a fanaka na tolo, namuntlha, ni hilaha ku nga heriki. Sweswo swi enetise nantswo. Wa vona?

Hikuva, vutomi a byi ri endzeni ka wena, byi ri eku kokeni. Wa vona, vutomi lebyi nga endzeni ka wena byi le ku kokeni. Byi le—byi le ku vuleni ka ku navela loku u nga na kona kwala. U le ku kokeni. U ngaka u nga koki eka *leswi*, na *sweswo*, na *leswin'wana*. U fanele ku kuma Nhluto wolowo wo lulama, hikuva u munhu loyi a ehleketa. Wa vona?

¹⁶⁶ Loko u ri munhu loyi a ehleketa, u hlawuleriwile emahlweni, kumbe ku hluteriwa emahlweni...ku nga se va ni masungulo ya misava.

¹⁶⁷ Nakona loko kuruku ministara wa dinominexini u le ku swi tweni, ndzi tshembha leswaku u ta teka Nhluto wa wanuna loyi a ehleketa, loko a ri ministara wa dinominexini. Kutani u ta cukumeta phakiti rero ra dinominexini leri ha kunene ri nga ta herisiwa, hikuva i rito ra munhu; kutani a amukela Rito ra Xikwembu leri ri hlutiweke leri ri nga tako ri nga tsandzeki hambi kuri ku hundza, nakona Ri ta ringanelia nantswo wa wanuna wo kwetsima. Nakona, kukotisa Yakob, u ta tshiketa hinkwaswo swa misava ni ku navela hinkwako ka dinominexini kumbe ndhuma, leyi yi nga kona emisaveni, laha u nga vaka u ri mubishopo, mukhadinara, hambi u ngava mupresbyter wa tiko, kumbe mufundhisi wa kereke yo karhi leyikulu. U ta tshiketa hinkwaswo leswi swi nga kona. Ku nga ri kukotisa Esau, ku hundzuka xiave xa misava; kambe ku kotisa Yakob, u ta nyikela hinkwaswo leswi u nga na swona ku kuma mfanelo ya ku tswariwa, Nhluto wa wanuna loyi a ehleketa; hikuva Wu ta ku nyika nantswo wa wanuna wo kwetsima. Nakona Wu ta enerisa. Kutani wu ta va lowu wu enerisiweke, nakona wu ta kwetsimisiwa hi nantswo lowu nga Heriki wa vunene byo kwetsima bya Xikwembu.

¹⁶⁸ Tsundzukani, Sathana u boxile mbhovo wo sungula emiehlekeweni ya Evha, kumbe ku ehleketa ka yena, ku pfumelela nantswo wa vutlharhi bya yena na vutivi ku ta nghena.

¹⁶⁹ Sweswi ehleketani ha leswi. Ndza pfala. Sathana u boxile mbhovo wo sungula, hikuva hinkwaswo leswi a ta swi koka a kuri Rito. Wolowo a wu ri Moya hi Rito ra Xikwembu, hikuva u teri, “Ntsena loko wa ha hefemula hi Nhluto lowu, u ngaka u nga fi; kambe loko u hefemulela ehandle ka lowu *lahawani*, u ta fa.” Wa vona?

¹⁷⁰ Kutani Sathana u teri, “Kambe a wu tivi nchumu *lahawani*. Kambe loko wo teka nantswo wuntsongo wa leswi *lahawani*, kutani u ta switiva; u ta fana na Xikwembu. Wa vona, Xi tiva leswo lulama ni leswo biha; wena a wu switivi. Nakona loko u nga teka nantswo wuntsongo wa *leswi*.” Swingaleswi u n’wi pfumelerile ku boxa mbhovo endzeni ka yona, ximbhovani xin’we ntsena.

¹⁷¹ Xana ma swi vona leswaku hikokwalaho ka yini ndzi ku... Mi ri, “Hikokwalaho ka yini u nga dyondzisi vavasati, na swin’wana, hilaha tinyiko ti amukerisiwaka xiswona na swilo swo kota sweswo?”

¹⁷² Ndzi ku, “Xana u nga va dyondzisisa ku yini algebra loko va ha tsandzeka ku dyondza ti ABC ta vona?”

Ximbhovani xin'we hi lexi xi swi tekaku. U tekile vutlharhi bya misava, kutani, loko swi endlekile, swi vekile rifu endyangwini hinkwawo, wu lava ku tiva nantswo wa vutlharhi.

¹⁷³ Sweswi langutisani nhluto, nakona kunene wu hlamusele nantswo wa yena. Nantswo wa yena a wuri wa misava; sweswo hi leswi a nga na swona. Sweswo hi leswi swi nga xiswona namunlhha. Va rhandza misava na swilo swa misava, na nghohe ya vukhongeri, kambe va tsan'wa Matimba ya kona. Wa vona, Sathana u tava pfumelela va vulavula hi tindzimi; u tava pfumelela va huwelela; u tava pfumelela va va na swikhongelo swa ku horisa ka Matimba; u tava pfumelela va endla muxaka wa swilo leswi hinkwaswo.

¹⁷⁴ U ri, "Enkarhini wolowo votala va ta ta eka Mina, kutani, 'Hosi, xana a hi hlongolanga madimona, xana a hi endlanga swilo leswo tala, a hi endlanga *leswi*?" U ta ku, "A ndzi mi tivanga, n'wina va tirhi va leswo biha." Loko Rito ri vekiwile emahlweni ka n'wina nakona mi tama ma ha zaha nhluto lowu wa khale wa misava, wa vona, swi kombisa nantswo lowu a wu ri embilwini.

¹⁷⁵ Matuva ya ngaka ya nga dyi nyama yo bola. Ya ngaka ya nga yi dyi. A ya na nyonghwa na yintsongo. Vukuvuku ri nga dya mbewu kukotisa tuva nakona ri nga dya nyama yo bola kukotisa vukuvuku, wa vona, hikuva ri mukanganyisi. Kambe tuva a ri akiwanga tani hi xinyenyani xin'wana, nakona hikwalaho Xikwembu xi ti kombiseke hi Xoxe tani hi Tuva leri xikaka eTilweni. Wa vona? Ri ngaka—ri ngaka ri nga yimeli risema ra nyama yo bola. A hi rona koti; xivangelo, a ri na nyonghwa. A ri nga ta yi gayela. A yi ta ri dilaya, loko ri yi dyile.

Nakona tuva a ri boheki ku hlamba. Miri wa tuva wu humesela mafurha ehandle hi le ndzeni, lawa ya endlaka leswaku ri tshama ri basile. I vutomi lebyi nga endzeni ka tuva; byi endla mafurha endzeni ka rona lawa ya hlayisaka tinsiva ta rona ti tshama tibasile. Swingaleswi swi tano hi Mukreste; ku na Vutomi endzeni ka vona lebyi byi va hlayisaka va tshama va basile. Byi hlutiwile.

¹⁷⁶ Oho, xiyisisani! N'wi langutiseni sweswi...eka nhluto, kutani kunene mi nga wu vona nantswo wa kona, wa leswi va nga eku swi endleni namunlhha.

¹⁷⁷ Langutisani kereke leyi ya ximanguva lawa. Langutisani nhluto wa vona. Mi nga kota ku swi vona leswi va swi rhandzaka. Vonani leswi va nga na swona. Rirhandzu, xana va rhandza yini? Sesi Laodekiya loyi a kongomeke ku Avanyisa ka Xikwembu. Hi swona sweswo. Rona rirhandzu, rirhandzu ra kereke namunlhha i ra Laodekiya, vandla lerikulu, ntshamisiso lowukulu, wu kulukumba, nchumu wo rhandzeka, vanhu lava ambaleke kahle, va ndhavuko wa xiyimo xa le henhla, va tele hi vutlharhi, va tele hi javulosi, ehansi ka mano ya kereke ya Kreste. Ku na

rito rin'we ntsena leri a ri fanele kuva kwalahaya, "antiKreste." Hikuva, hinkwaswo leswi Kreste a swi dyondziseke, va lwisana na hinkwaswo hilaha swi kotekaka; kunene, ku ringanelia ntsena leswaku va ta tititana sweswo.

¹⁷⁸ Sweswi loko kuruku mi vanhu lava va ehleketa vusiku lebyi, kwala ni le handle etikweni laha Hungu ri yaka kona, ku navela ka n'wina ku tava kuri nantswo wa Bibebe, ku ngari nantswo wa xidinominexini, hikuva mi ta avanyisiwa hi Bibebe yaleyi, Rito leri ndzi mi kombelaka ku hluta munhu wa le ndzeni ka n'wina hi rona. Nakona ku ala Rito rin'we ra Yona, ni ku ka mi nga pfumeleli munhu wa le ndzeni ka n'wina kuva a hundza eka rona Rito rero rin'we, mi ta ariwa. "Hikuva munhu a ngaka a nga hanyi, ku hefemula, hi vuswa ntsena, kambe hi Rito rin'wana na rin'wana leri ri humaka enon'weni wa Xikwembu."

¹⁷⁹ Ri ta nghenisiwa endzeni ka n'wina, ri hlawuleriwile emahlweni. Kutani loko Hosi yi huhuterile ehenhla ka n'wina, Moya wa Yona wu ta pfuxa Rito rero kuva leri nga ra xiviri, kutani mi ta swi vona leswaku Yesu Kreste hi loyi a fanaka na tolo, namunlhia, ni hilaha ku nga heriki. Oho, mina!

¹⁸⁰ Sukelani dinominexini ya misava, milongo ya vukhongeri. Yi tshikeni yi andlalekile kukotisa phakiti rero ra tisigarete enhoveni. Yi tshikeni yi bola ni ku vovorheka. I-i nhluto wo hoxeka. Kutani mi teka Rito, leri ri nga Kreste, leri ri nyikaka, ni ku fikelela, ni ku hlayisa nantswo wa Vutomi lebyi nga Heriki, eka un'wana ni un'wana loyi a nga ta Ri teka, Vutomi lebyi nga Heriki.

¹⁸¹ Rito, loko kuruku mi hlawuleriwe emahlweni, ma Ri vona. Ku hava ndlela ya ku mi tumbetela Rona. Mi langutisa lahaya kutani mi ku, "Hikokwalaho ka yini, Ri le rivaleni kwala mahlweni ka xikandza xa mina! Ndzi nga Ri langutisa; hi Leriya lahaya. Ndzi Ri langutile. Ndza Ri vona. Hi leri kwala, Rito; Rito rin'wana ni rin'wana, Rito hi Rito ntsena, ri hanya ehandle." Kutani hi wolowo nantswo wa Vutomi lebyi nga Heriki mi byi lavaka.

Nakona loko mi hefemula hi Sweswo, xana i yini lexi nga hundzaka eka Sweswo, Nhluto wa Xikwembu? A hi nchumu handle ka Moya; ku nga ri misava, ni swintsongo; ku ngari ku pfumala ripfumelo, ni swintsongo. I Nhluto wa Xikwembu. Kutani loko mi hefemula hi Sweswo, ku hava nchumu lowu wu nga hundzaka eka Sweswo handle ka Moya lowo Kwetsima.

¹⁸² Sweswi mi na vumbhoni bya Moya lowo Kwetsima, wa vona, nantswo wa wanuna kumbe wansati wo kwetsima. Byi lava ku hanya. Byi na Vutomi lebyi nga Heriki. Nakona hikuva Rito leri ri pfuxeriwele vona, va hanya; Nhluto wa wanuna loyi a ehleketa, na nantswo wa wanuna wo kwetsima.

¹⁸³ Mi nga teki misava, kukotisa tikhampani ta vona ta tisigarete, ehansi ka vukanganyisi, kambe tekani Nhluto wa

xiviri wa wanuna loyi a ehleketaku. Hlutani moya lowu mi wu hefemulaka, swakudya leswi mi swi dyaka, hinkwaswo leswi mi nga swona; swi hefemuleni hi Rito ra Xikwembu, kutani mi tava na nantswo wa wanuna loyi a ehleketaku. Hikuva, Ri ta tswala sweswo, hikuva Wa ha fana ni tolo, namuntlha, ni hilaha ku nga heriki.

¹⁸⁴ Nakona ndza switiva, hambi hi hina hambi a hi hina . . . ndzi pfumela leswaku hi hina. Kambe, loko ku nga ri hina, ku na munhu un'wana emisaveni namuntlha loyi a nga xiave xa Miri wa Kreste; nakona Xi ta hanya ntsena hi Rito ra Xikwembu, Rito rin'wana ni rin'wana leri humaka enon'weni wa Xikwembu eka nguva leyi hi nga eku hanyeni eka yona sweswi.

¹⁸⁵ Swingaleswi a ndzi ku voni laha dinominexini . . . Marito lawaya ya nga erivaleni swonghasi eBibeleni, ya vurile leswaku swi ta humelela, na swilo leswi nga tava kona, kutani hi hina lava hi hanyakwa eka swona sweswi. A ndzi ku voni laha a swi ta va nchumu wun'wana ehandle ka leswi.

¹⁸⁶ Kereke, ndza swi anakanya leswaku ndzi fanele ku yima na n'wina eku Avanyiseni siku rin'wana. A swi ve ekule na mina kuva ndzi mi byela xin'wana ni xin'wana xo hoxeka, hikwalaho ko lava ku duma. A ndzi swi lavi sweswo. Loko a ndzi ri niku navela ka mina, a ndzi ta, ku navela ka mina ka vumunhu ntsena, a ndzi ta teka xibalesa xa mina kutani ndzi ya ekhwatini ni ku ya tiakela ntsonga, na ntlhamu, vutomi bya mina hinkwabyo. Ndzi le ku dyuhaleni, ku karhala, ku hela matimba, ni ku tshoveleleka, kambe ndzi ngaka ndzi nga tshiki. Ku na xin'wana endzeni ka mina, lexi nga eku sileni. Khombo eka mina loko ndzi nga vuli Ntiyiso na xiheri xa Ntiyiso. Khombo eka mina loko ndzi nga yimi kwala ku kondza moya wo hetelela wa miri wu ndzi sukelo. Ndzi fanele ku yima, swi nga ri na mhaka leswaku munhu un'wana u ri yini. Ndzi na vutihlamuleri emahlweni ka Xikwembu.

¹⁸⁷ Nakona ndzi pfumela hi xiviri leswaku swilo leswi hi swi chumayelaka i Ntiyiso. Ku ngari hikuva kuri mina ndzi swi chumayelaka. Ee, boti wa mina. Ee, nkulukumba. Xikwembu xa yi tiva mbilu ya mina. Hilaha ndzi nga rhandzaka ku tshama eka vayingiseri kutani ndzi yingisa vatotiwa va chumayela. Hilaha a swi tava swi olovise xiswona eka mina, kunene-nene hikuva a ndzi tava ni Vutomi lebyi nga Heriki ku fana na wanuna loyi a nga ephulpitini. Ndzi xiave xa Byona ku fana na leswi yena a nga xiswona. A ndzi taya eTilweni leri fanaka, ndzi va ni minkateko leyi fanaka. Hilaha a swi tava swi olovise xiswona eka mina kuva ndzi tshama ehandle niku ka ndzi nga teki mafidzula lawa hinkwawo, niku biwa, ni ku ya emahlweni. Hilaha a swi tava swi olove ha kona, kuri ni kuva ehandle yusiku hinkwabyo ku nga ri ni ku etlela, awara na hafu, kumbe tiawara timbirhi; ku lwisana yusiku hinkwabyo ni swilo leswi humeleleke. Hilaha swi ndzi oloveleke ha kona ku endla sweswo, ku teka xibalesa xa mina

hi mixo lowu landzelaka, rihlanga ra mina ro phasa tinhlampfi, kutani ndzi ya eku phaseni ka tinhlampfi kumbe eku hloteni! Hilaha swi nga vaka swi olovile ha kona! Makwerhu, swi vile vutihlamuleri bya mina. Xikwembu a xi ndzi pfuni kuva ndzi nga tshuki ndzi fularhela ntirho wa mina, kambe ndzi yima hi ku tshembheka ni kuva na ntiyiso, ni ku mi humelerisela Nhluto wa wanuna loyi a ehleketaku lowu wu nga ta mi nyika nantswo wa wanuna wo kwetsima.

¹⁸⁸ Nhluto wa wanuna loyi a ehleketaku i mamati, ya mamati ya ku basisa. Hi wona ya tengisaka evudyohweni, lawa ya nga Rito ra Xikwembu. Nakona wanuna loyi a ehleketaku, wanuna loyi a swi tivaka leswaku u fanele ku yima emahlweni ka Xikwembu, wa switiva leswaku u ta fanelu ku tihlamulela eka Rito rin'wana na rin'wana ra Bibebe, Ri ta enerisa nantswo walowo wu nga embilwini ya wena. Ingaku Xikwembu xi nga hi pfuna ku Ri amukela, loko ha ha korhamisa tinhloko ta hina.

¹⁸⁹ Wena Xikwembu lexi rhandzekaka, awara yin'wana kumbe timbirhi ti hundzile. Wachi yi rhendzelekile sweswi. Hungu ri ya eka matimu sweswi, nakona Ri rhikhodiwile eBukwini. Hinkwerhu hi fanele ku tihlamulela eka leswi sweswi, ku famba kun'wana ni kun'wana loku hi ku endleke, rito rin'wana ni rin'wana leri hi ri vuleke, ku anakanya kun'wana ni kun'wana loku ku hundzeke emiehlekeweni ya hina, rhekhodo ya hari eku chayeni. Nakona yi ta chaya ku kondza vutomi byi hela, kutani hi ta tihlamulela hi Siku ra ku Avanyisa.

¹⁹⁰ O Xikwembu, Mutumbuluxi lonkulu wa matilo ni misava, Loyi hi n'wi pfumelaka, ndzi khongelela vanhu va siku leri. Ndza tikhongelela xikan'we na vona, leswaku Hosi Yesu, leswaku U ta khoma Nhluto wa Wena. Kutani loko kuri ku ndzi le ku vuleni ka swin'wana swo sandza, Hosi, ndzi... embilwini ya mina a ndzi switivi. Ndza khongela leswaku loko kuri ku swi hoxekile kuva ndzi teka Rito ra Wena ni ku tirhisa nchumu wo tani hi wolowo, U ta ndzi rivalela eka swona.

¹⁹¹ Kambe, Hosi, ndzi ehleketa hi loko U tava u vulavurile na mina emakhwatini, Wa wu tiva nkarhi wa kona ni mixo, ntsena a ndzi nga ta swikota ku swi susa emiehlekeweni ya mina. Ndzi swi amukerile tani hi loko swi huma eka Wena. Swingaleswi, Xikwembu Tatana, se ndzi vulavurile hi swona. Kutani ndza khongela, Xikwembu, leswaku U ta swi pfumelela kuva hi ndlela leyi ndzi swi ehleketeke xiswona leswaku swiva swona, leswaku wanuna loyi a ehleketaku, loko kuruku wanuna u ni ku ehleketa, u ta switiva leswaku u fanele ku yima eVukoneni bya Xikwembu, nakona a ngaka a nga tekeli nchumu eka munhu wa le ndzeni ka yena lowu nyamisaka kumbe ku hambana ni Rito ra Xikwembu.

¹⁹² Swingaleswi, Tatana, hi lemuka leswaku, tani hilaha ndzi swi ringanyeteke ni mavandla lawa ya namuntlha; kuva swi

nga hambanangi, Hosi. U ta ndzi avanyisa, siku rin'wana, ku suka embilwini ya mina. Nakambe ndza khongela, Xikwembu, leswaku U ta swi vona leswaku a ku ngari kuva loyi a hambaneke, kambe a kuri kuva loyi a tshembhekaka, ku ringeta ku tshembheka, ku lemuka leswaku ndzi khomile nxavo wa Ngati ya Wena, ku suka eribuweni kuya eribuweni, kona sweswi, evokweni ra mina. Kutani vunyingi bya vona va pfumerile Xiviko.

¹⁹³ Nakambe, Xikwembu xa Matilo, ku ngavi ni un'we wa vona loyi a lahlekaka. Ndza va koxa, un'wana ni un'wana, ni ku khoma Nhluto ku suka evudyohweni emahlweni ka vona, Mamati ya ku basisa, Ngati ya Yesu Kreste, Rito leri endliweke nyama. Hi nyiketi swona, Hosi. Nakona Moya lowo Kwetsima a wu chulukeli eka xitsembhiso xin'wana ni xin'wana, eka munhu wa le ndzeni ka hina. Nakambe ingaku hi ngava vayimeri lava hanyaka va Mutekiwa wa Yesu Kreste, enkarhini wa mahlo, ya ku vona eLayitini ra ni madyambu, hikuva hi swi tisa eka Wena hi Vito ra Yesu Kreste. Amen.

¹⁹⁴ Ma N'wi rhandza xana? [Nhlengeletano yi ku, "Amen."—Muhleri.] Ma Wu pfumela xana? ["Amen."] Mina, loko ndzi vurile swin'wana leswi swi hoxekeke, hi ku vula leswaku, "nhluto wa wanuna loyi a ehleketaku," ndzi ngaka ndzi nga ha vuli swin'wana. A ndzi na dyondzo. Ndzi fanele ku vula ntsena leswi swi taka eka mina. Kutani loko ndzi vonile lero ri wile lahaya, ndzi anakanya, "I layini ya yukanganyisi muni!"

Kutani Nchumu wun'wana wu ku, "Ntsena tani hi kerekere."

¹⁹⁵ Nhluto wa wanuna loyi a ehleketaku! Oho, mina! Ku na swo tlula sweswo eka wona. Wanuna loyi a ehleketaku a nga ta wu tirhisa na swintsongo. Wa vona? Kunene a ngaka. Nakona wu navela nantswo wa wanuna loyi a dzahaku, hi swona sweswo, hikuva u fanele kuva ni wona ku enerisa nantswo wa yena. Kambe wa xiviri, wanuna wo ehleketa loyi a swi tivaka leswaku munhu wa le ndzeni ka yena u ya eku Avanyisiwени, u ta hluta nantswo wa yena hi Rito ra Xikwembu. "Hikuva hinkwavo lava Ndzi nyikiweke hi Tatana va ta ta eka Mina." Nakona u ta hanya hi Rito rin'wana ni rin'wana leri ri humaka enon'wени wa Xikwembu, leri ri nga Mamati ya ku basisa lawa ya hi avaka evudyohweni. Hikuva, loko ya ta hi Rito, ha swi vona leswaku i xidyo ku ka hi nga Ya pfumeli, swingaleswi ho Ya pfumela ntsena ni ku ya emahlweni. Hi wona ku basisa eka vudyoho. Ma N'wi rhandza xana? [Nhlengeletano yi ku, "Amen."—Muhleri.]

Ndza N'wi rhandza, ndzi rhandza . . .

A hi yimiseleni mavoko ya hina eka Yena sweswi.

Hikuva U sungurile a ndzi rhandza
Ni ku xava ku ponisiwa ka mina
Emhandzini ya Xihambano.

¹⁹⁶ Xana U teri yini? “Hilaha vanhu hinkwavo va nga ta switiva leswaku mi vadyondzisiwa va Mina, loko mi rhandzana, mi va ni rirhandzu un’wana eka un’wana.” Sweswi a hi qhavuleni voko ra munhu un’wana loko hi ri karhi hi ri yimbelela nakambe, ni ku vula leswaku, “Ndza ku rhandza, na wena, boti.”

Ndza N’wi rhandza, ndza . . . (Leswi i ku mi
tivisa leswaku . . .)
. . . U sungurile a ndzi rhandza
Ni ku xava ku ponisiwa ka mina
Emhandzini ya Xihambano.

¹⁹⁷ Sweswi, ma wu rhandza Nhluto wa wanuna loyi a ehleketa^kku xana? [Nhlengeletano yi ku, “Amen.”—Muhleri.] Loko u ta ya exitarateni ku ya swoswana mavoko ni misava mundzuku, boti, sesi, xana u tava u ri na Nhluto wa wanuna loyi a ehleketa^kku? Loko wanuna luya a ku vitana muvumbuluki wo kwetsima, xana u ta wu tirhisa Nhluto wa wanuna loyi a ehleketa^kku? Loko munhu yaloye wo karhi a vula swin’wana swo biha eka wena, xana u tava u ri na wona Nhluto wa wanuna loyi a ehleketa^kku? Wa vona, endla leswinene eka leswo biha. Khongeleta lava va ku tirhisaka hambi va nga tiyimiselangi, ni lava va ku xanisaka, kutani u tava u ri eku hefemulenⁱ hi Nhluto wa wanuna loyi a ehleketa^kku.

¹⁹⁸ Hikuva loko mi rhandza ntsena lava va mi rhandzaka, tani hilaha hi qhavulaneke mavoko, tani hi lava va rhandzekaka eHosini, sweswo swi kahle, kambe xana mi nga va rhandza na vona lava nga rhandzekiki? Wolowo i Nhluto wa wanuna loyi a ehleketa^kku. Wolowo i Moya wa Kreste endzeni ka n’wina, ku rhandza lava nga mi rhandzeki, kutani mi va ni hakelo ya Xikwembu. Kambe, sweswi, loko kuri ku mi swi endla tani hi vutihlamuleri, a mi se kuma wanuna loyi a ehleketa^kku. . . . Mo va ntsena eka xiyenge xa vumbirhi. Kambe swi huma embilwini ya n’wina kuva mi n’wi rhandza hi xiviri, kutani mi va mi ri karhi mi hefemula hi Nhluto wa wanuna loyi a ehleketa^kku. Kutani Wu enerisa nantswo wa wanuna wo kwetsima, sweswo ma swi tiva, ku suka embilwini ya n’wina mi rivalela munhu un’wana ni un’wana, hinkwaswo, swi nga ri na mhaka leswaku ku humelerile yini. A hi Yena lonene xana?

. . . sungurile a ndzi rhandza
A xava ku ponisiwa ka mina
Emhandzini ya Xihambano.

Hi ta famba eku Vonakaleni, I ku Vonakala ko
saseka,
Ku huma laha mathonsi ya mberha ya
tintswalo ya hatimaka;
Vangama hinkwako ku rhendzeleka na hina ni
nhlekanhi na na vusiku,
Yesu, ku Vonakala ka misava.

Hi ta famba eku Vonakaleni loku, I ku
 Vonakala ko saseka swonghasi;
 Nakona Ku huma laha mathonsi lawa ya
 hlutiweke ya tintswalo ya hatimaka;
 Oho, vangama hinkwako ku rhendzeleka na
 hina ni nhlekanhi na na vusiku,
 Yesu, ku Vonakala ka misava.

Tanani, hinkwenu n'wina vakwetsimi va ku
 Vonakala, twarisani,
 Yesu, ku Vonakala ka misava;
 Kutani tibele ta le Tilweni ti ta pfuma,
 Yesu, ku Vonakala ka misava.

Oho, hi ta famba eku Vonakaleni, I ku
 Vonakala ko saseka swonghasi;
 Ku huma laha mathonsi ya mberha ya
 tintswalo ya hatimaka;
 Oho, vangama hinkwako ku rhendzeleka na
 hina ni nhlekanhi na na vusiku,
 Yesu, ku Vonakala ka misava.

Ma swi rhandza sweswo xana? [Nhlengeletano yi ku,
 "Amen."—Muhleri.]

Oho, hi ta famba eku Vonakaleni loku, I ku
 Vonakala ko saseka swonghasi;
 Nakona Ku huma laha mathonsi ya mberha ya
 tintswalo ya hatimaka;
 Vangama hinkwako ku rhendzeleka na hina na
 nhlekanhi na na vusiku
 I Yesu, ku Vonakala ka misava.

Ndzo swi rhandza ntsena sweswo!

Ripfumelo ra mina ri langutela eka Wena,
 Wena Xinyimpfana xa le Xihambanweni,
 O Muponisi wa Matimba;
 Ndzi yingisi sweswi loko ndza ha khongela,
 Teka vudyoho bya mina hinkwabyo... (Ndzi
 hluti, Hosi, hi Rito.)
 O ndzi pfumeleli leswaku ku sukela siku leri
 Ndzi va wa Wena hi ku hetiseka!

Ehleketani hi swona ntsena, ku hlutiwa hi Rito, "wa Wena hi
 ku hetiseka."

Loko ndza ha kandziyela nhlangano wa
 tindlela ta munyama ta vutomi,
 Kutani nhlomulo wu hangalaka ku
 rhendzeleka hi mina,
 A kuve Wena Mufambisi wa mina;

Lerisa munyama wu hundzuka nhlekanhi,
 Sula ku chava ka gome,
 Ni ku ka u nga ndzi tshiki ndzi pepetseka
 Ku suka eka Wena kuya etlhelo.

[Makwerhu Branham a sungula ku hama *Ripfumelo Ra Mina Ri Langutela Eka Wena*—Muhleri.]

. . . embilwini ya mina leyi titivalaka,
 Hlohlotelu ku hiseka ka mina;
 O lerisa munyama wu hundzuka nhlekanhi,
 Kutani u sula mihloti ya gome,
 O ndzi pfumeleli leswaku ku sukela siku leri
 Ndzi va wa Wena hi ku hetiseka!

¹⁹⁹ Wena Xikwembu lexi rhandzekaka, ha swi rhandza ku Ku yimbelelela, hikuva hi kona laha hi vulaka matitwelo ya hina, ntlhaveko wa hina, nhlengeletano hinkwayo, loko Wa ha huhutela Rito ra Vutomi ehenhla ka hina. Ha khensa swinene, Hosi. Na rona risimu rero, hi amukeli, U ta swi endla xana, Hosi? Hi kona ku navela ka hina, i ku hlutiwa hi Rito ra Xikwembu, ku famba siku rin'wana ni rin'wana eku Vonakaleni, ku Vonakala ka Evhangeli.

Kutani tata ndlela ya hina siku rin'wana ni
 rin'wana hi rirhandzu,
 Loko ha ha famba na Tuva ra le Tilweni;
 Hi pfumeleli hi famba nkarhi hinkwawo, hi
 risimu na n'wayitelo,
 Tata ndlela ya hina siku rin'wana na rin'wana
 hi rirhandzu.

²⁰⁰ Hi nyike swona, Hosi. Hi katekisi kun'we hinkwerhu sweswi. Pfumelela musa ni tintswalo ta Wena swi va na hina. Horisa vavabyi ni lava va xanisekaka etikweni hinkwaro.

²⁰¹ Ha Ku khensa hikwalaho ka Makwerhu Coggins vusiku lebyi, leswi U n'wi pfumeleleke ku huma exibedlhele, ku ya ekaya a ri kahle. Ha Ku khensa eka swilo hinkwaswo leswi U swi endleke, ni le ka matimba ya hina vinyi lawa hi titwaka hi tlakusiwile sweswi.

²⁰² Ha Ku khensa hikwalaho ka Hungu leri tsemiweke nyana vusiku lebyi, Hosi. Ndzi—a ndzi swi endlaka kahle, kambe ndza khongela, Hosi, leswaku U ta swi endla kahle emahlweni ka vanhu, leswaku va ta swi vona ni ku tiva leswi a swi endleriwe swona. Kuma ku dzuneka eka swona, Hosi, nakona ingaku hi ngava ni ku twisia loku, loko ku nga ri na swin'wana, leswaku hi fanele ku hanya hi Vuswa bya Rito ra Xikwembu, lebyi byi hlutiweke eka Xikwembu kuva bya vana va Xona ntsena. I nhlengeletano leyi aviweke. A hi swa un'wana. I swa lavayani ntsena, vahlawuriwa va Wena, tani hilaha mamati ya ku basisa ya thokazi ro tshwuka a ya ri ya nhlengeletano ya Israel ntsena.

Swingaleswi, Tatana, ha switiva leswaku Vuswa byebyo i bya Tinyimpfu ntsena.

“A hi swona ku teka vuswa bya vana ni ku byi hoxela timbyana,” ku vule Yesu.

Kutani wansati, hi ku vuyisela, a ku, “Ina, Hosi, wolowo i ntiiyiso, kambe ndzi tiyimiserile ku teka mahlanhla.”

Nakona hi titwa hi ndlela yaleyo vusiku lebyi, Hosi. Hi lava hinkwaswo leswi U nga hi nyikaka swona, Tatana, hikuva hi leku tweni kandlala ni torha ra vunyingi bya Wena.

²⁰³ Hi nyiketi kuva tindlala ta hina tihetiseka ni ku navela ka hina ku tiveka, hikuva, Tatana, hi lava kuva ni ku navela ka wanuna wo lulama. Nakona Wanuna wo lulama a kuri Yesu Kreste, kutani ku navela ka Yena a kuri ku endla ku rhandza ka Tatana, loku a kuri Rito. Hi nyike swona, Tatana. Ha swi kombela hi Vito ra Yena. Amen.

A hi yimeni sweswi loko hi ri karhi hi yimbelela risimu ra hina ro ntshuxa, ra ku, *Tekani Vito Ra Yesu Mi Va Na Rona*.

²⁰⁴ Ehandle ku tsemakanya etindhawini sweswi, laha Hungu ri yeke kona vusiku lebyi, Xikwembu a xi ve na n'wina loko hi ri karhi hi ntshuxiwa hi xikhongelo. Ingaku un'wana ni un'wana wa n'wina, kwale handle, ndzi tshembha leswaku mi tiphinile swonghasi hi ku yingisela tani hilaha ndzi Ri tiseke eka n'wina. Nakona ndza tshembha leswaku Xikwembu xi ta Ri veka etimbilwini ta n'wina ni ku mi nyika ku toloka loku lulameke eka rona.

²⁰⁵ Kutani n'wina vanhu lahawani eka vayingiseri lava nga ni swidukwani leswi tlhandlekiweke lahawani, ndzi tlhandlekile mavoko ehenhla ka swona. Ndza khongela leswaku Xikwembu xi ta horisa un'wana ni un'wana wa n'wina, a ku ngavi ni vanhu lava vabyaka exikarhi ka hina, ma swi vona hilaha Xikwembu xa hina xi hlamlakha xikhongelo.

²⁰⁶ Loko hi hlangana kun'we, “Vanhu lava vitaniweke hi Vito ra Mina loko va hlangana kun'we va khongela, kutani Ndzi ta yingisa ku suka eTilweni.” U tshembhisile ku swi endla.

²⁰⁷ Swingaleswi, a hi avananga. Hi Munhu un'we ntsena; hinkwerhu hi un'we, eka Kreste Yesu. Kutani un'wana ni un'wana u khongelela un'wana; ndzi khongeleleni loko ndza ha mi khongelela. Nakona Xikwembu a xi mi katekisi ku kondza hi hlangana nakambe.

²⁰⁸ Nakona ndzi tshembha leswaku mi tava lava yisaka emahlweni...n'wina lava mi tshamaka kwala kusuhi, mi ta ta etabernakeleni ni ku endzela kwala na mufundhisi wa hina wa kahle, Makwerhu Neville. U ta mi endla hi malwandla, Makwerhu Mann na vanhu va kahle lava va nga na vona kwala etabernakeleni.

²⁰⁹ Loko kuruku mi le kusuhi na Makwerhu Junior Jackson kumbe van'wana va vona etikweni hinkwaro, New York na tindhawu to hambana-hambana laha va nga na tinhlengeletano ta vona, ku rhendzeleka hi Arizona na California, endzelani tikereke teto loko mi ri kwalahaya. Hi khongela leswaku mi ta tlhelela nakambe ni ku pfumelela mufundhisi a mi pfuna ku tiva swotala hi Hosi Yesu.

²¹⁰ Xikwembu a xi mi katekisi sweswi loko hi ri karhi hi yimbelela *Tekani Vito Ra Yesu Mi Va na Rona*.

. . . Vito ra Yesu mi va na rona,
N'wana wa nhlomulo na khombo;
Ri ta mi nyika ntsako ni ku chavezeleka,

(Xana mi ya kwihi . . . ? U ta mi veka eka . . . ? . . .)

. . . mi famba.

Vito ro hlawuleka (Vito ro hlawuleka), O
hilaha ri tsokombelaka ha kona! (O hilaha ri
tsokombelaka ha kona!)

Ntshembho wa misava ni ntsako wa le Tilweni;
Vito ro hlawuleka, O hilaha ri tsokombelaka ha
kona!

Ntshembho wa misava ni ntsako wa le Tilweni.

²¹¹ Loko ndzi langutile eka vayingiseri vusiku lebyi, ndzi vonile Makwerhu Estle Beeler le ndzhaku, Makwerhu Palmer, na votala, Makwerhu J. T., na tiministara totala leti yimeke hinkwako lahawani, a ndzi nge vitani mavito ya vona hinkwavo. Ndzi navela ingaku ndzi ngava na n'wina, ehenhla lahawani, un'wana ni un'wana mi ntshuxa nhlengeletano kumbe ku endla swin'wana. Ma swi twisia, a hi swona xana? Ndza switiva leswaku mi na timbilu ta Vukreste na ku tiva leswaku hi fanele ku . . . hilaha hi—hilaha hi nga xiswona; hinkwerhu ka hina hi Munhu un'we, eka Kreste Yesu.

²¹² Sweswi a hi tsundzukeni ndzimana leyi landzelaka loko hi ri karhi hi yi yimbelela, loko Makwerhu wa hina Martin laha a ta hi ntshuxa hi xikhongelo. Nakona ndzi lava ku . . . Loyi i Makwerhu Earl Martin ku suka, ndza tshembha, ku suka eArkansas kumbe—kumbe Missouri. [Makwerhu Earl Martin a ku, “Missouri.”—Muhleri.] Missouri, kwale eArkansas, layini ya Missouri lahaya. Va ni kereke kwalahayani.

²¹³ Nakambe ndzi lemukile boti un'wana ku suka kona kwalahaya, a ndza ha ri tsundzuki vito ra yena, Brewer. A ri kwala mixo lowu. Ndzi tshembha leswaku wa ha ri kwala vusiku lebyi. Ina, ndza n'wi vona u yimile kwala kusuhi, Makwerhu Brewer. Ndzi tshembhisile ku ya kona ni ku katekisa tikereke ta vona, minkarhi yo tala. Ndzi ta fika kona siku rin'wana, hi ku pfuniwa hi Hosi, hilaha ndzi swi kotaka.

Sweswi, loko ha ha yimbelela ndzimana leyi landzelaka sweswi.

Ku korhama eVitweni ra Yesu,
 Ku badama emilengeni ya Yena,
 Hosi ya tihosi hi ta Yi ambexa xiddlodlo
 eTilweni,
 Loko rendzo ra hina ri fikile emakumu.

A hi ri yi mbeleleni sweswi.

Ku korhama eVitweni ra Yesu,
 Ku badama emilengeni ya Yena,
 Hosi ya tihosi hi ta Yi ambexa xiddlodlo
 eTilweni,
 Loko rendzo ra hina ri fikile emakumu.

Vito ro hlawuleka, (Vito ro hlawuleka), O
 hilaha ri tsokombelaka ha kona! (O hilaha ri
 tsokombelaka ha kona!)

Ntshembho wa misava ni ntsako wa le Tilweni;
 Vito ro hlawuleka, O hilaha ri tsokombelaka ha
 kona!

Ntshembho wa misava ni ntsako wa le Tilweni.

Oho, tekani Vito ra Yesu mi va na rona,
 Tani hi xitlhangu eka swirimbani hinkwaswo;
 (yingisani sweswi)

Oho, loko miringo yi hlengeletana eka n'wina,
 (xana mi fanele ku endla yini?)

Ntsena hefemulani Vito lero kwetsima hi
 xikhongelo.

Vito ro hlawuleka, O hilaha ri tsokombelaka ha
 kona!

Ntshembho wa misava ni ntsako wa le Tilweni;
 Vito ro hlawuleka, O hilaha ri tsokombelaka ha
 kona!

Ntshembho wa misava ni ntsako wa le Tilweni.

A hi korhamiseni tinhloko ta hina.

O Vito ro hlawuleka, O hilaha ri tsokombelaka
 ha kona!

Ntshembho wa misava ni ntsako wa le Tilweni;
 Vito ro hlawuleka (ku khuvuriwa hi Rona; ku
 khongela hi Rona), O hilaha ri tsokombelaka
 ha kona!

Ntshembho wa misava ni ntsako wa le Tilweni.

Makwerhu Martin. [Makwerhu Martin a khongela—
 Muhleri.]



NHLUTO WA WANUNA LOYI A EHLEKETAKU TSO65-0822E
(A Thinking Man's Filter)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni madyambu, Mhawuri 22, 1965, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

XITSONGA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org